

INSHITA YAKWIKATANA

PAMO NE CAKUMWENAKO



Icungulo mukwai. Cili ninsambu shaibela ukuba pano munshita yabushiku, nokwiminina muli ino ncende.

² Ine, muno lucelo, lintu nacilaisa mumusebo . . . Nalifuminepo nalile mukupepa, ukulolela pali Shikulu. Kabili pakwisa mumusebo, Nacasha kuli—kuli kapyunga wapamulabasa, Munyina Smith, munyina uwafita (bushe bonse mwacimumfwa muno lucelo? Palipo bamo pali imwe?) kulya ku, Ndecetekela niku Ohio. Pali umuntu umo uwalenjeba palwa ena aleshimikila, kabili atile, “Ufwile wamumfwako,” nga ifyo.

³ Nacisangafye ukuti namusanga, muno lucelo. Kabili acillanda mucituntulu ifyo ulubembu lufulile mucalo ileelo, kabili aciba . . . Kabili Nacitwala kumbi kuntanshi, umulabasa uwacikonkapo, nabwela naumfwa nakumbi. Inshita Nacifika kuno, Naciba uwaipékanya, ukumona nga inshita taipwile iyakwisa ku chalichi, muno lucelo lintu Nacingila. Eico, ninsambu ishaibela nganshi ukuba pamo munshita yabushiku, nokubomba mumulimo wakwa Shikulu.

⁴ Kabili ukulanda pali Munyina Neville, nembila ya bulya bushiku, kuli uyu namayo umunono, nkashi wesu uufumine pali ifwe. Uyo ni, bonse natwishiba untu aali, ni Nkashi Weaver. Kabili nokutontonkanya pa mwaume pano, uulebatishiwa muno nshita yabushiku; ena . . . Namubatishe mucishiba cino cine lintu Na . . . bamuletefye pacipuna camipeto muno. Alefwa, nepwa londa, kabili akwetefye inshita yabushiku iyo ukuba no mweo; ba dokota balifililwe ukumundapa, aali nokufwa ulucelo lwakonkelepo. Kabili Naile ku ng’anda yakwe kabili nokweshia ukulanda nankwe pabundapishi bwa maka ya Mupashi, kabili atwalililepofye ukubwekeshapo ukutila, “Nshili uwalinga ukuti iwe wingesa pesamba lyamutenge wandi.” Atile, “Nshi—Nshi li uwalinga ukuti kapyunga ese nokuba mung’anda yandi.” Atile, “Ndi mubembu.” Lelo atile, “Mukwai, Nshilefwaya ukufwa nga finondi.” Kabili Grace Weber, pano, ewantwele kulya. Elyo nabwelelefyé, ninaka ukufuma kumisonkano; kabili palya lintu Nalemupepelela, nokubelenga Amalembo kuli ena, kabili ena apuswike. Nomba, alefilwafye nokwimya ukuboko kwakwe, lelo alefwaya ukuposhanya na bonse. Ena fye . . . icintu cimo cacitike kuli ena.

⁵ Kabili lintu baleposhanya amaboko, Namwene icimonwa cakwe aleya kukabungwe kakuteeka inkoko, nokubwela. Natile, “Cisuma, calabafye bwino, calabafye bwino nomba”; kabili

papitile imyaka ikumi limo nacine konse konse. Kabili aletoloka ukutangilila ipwa londa, inshita yapitapo. Nga alifwa . . . Tafwile nepwa londa, akwete umutima ukuleka ukubomba kabili ecamwipeye. Balimubikile panshi wamwela wakupema; afwile kumutima ukuleka ukubomba.

⁶ Nomba Nacilatontonkanya ukutila, pakulekeleshafye lintu abantu balefuma, kabili baleimba, *Elyo Yesu Aishile*. Ifyo bwino bwinofye efyacitike, Alishile nokusunga umweo wakwe pamyaka ikumi limo na cine konse konse. Kabili Natontonkenye, “Efyo caampana.” Namayo ena taishibe ukuti alecitila muli uyo musango. Elyo, nakabili, limbi alishibe. Lelo efyo caali icalolenkana ukukwata icipandwa cilya, *Elyo Yesu Aishile*.

⁷ Nomba caba kunumako, Nde—Nde subila, ukwikala ukukalamba ukwamisonkano. Ndaba uwasakamana no mwenso. Luno lucelo, Naciba uwatitikishiwa, Naciya kulya muku—muku pepa. Kabili Ndi—Ndi kung’anda, kuno. Ulupwa, nalutwele ku ku Arizona, kabili Nde . . . icakuti abana baye ku sukulu. Kabili Nimbwela kuno muku—muku tushakofye, ukuya mukulunga na Munyina Wood ne bumba lyaba bwananyina pano; ukuya mukulunga, mu mulungu uleisa. Tukaya kwisamba ku Kentucky. Kabili Naali . . . mulya mu . . . Naishileisafye ubushiku buntu—buntu Misisi Weaver afwile, kabili cilifye icalungama ukuti Ningaba kuno nokwafwako Munyina Neville muli cilya cililo.

⁸ Kabiili Nshesha uku . . . Nshesha uku—uku landa ifintu ifingi pali ici pa, namwishiba, pa bantu ndeilishanya. Pantu, Ndetontonkanya, icintu cimo icabipisha kumona umwaume nangu umwanakashi uutwaliilapofye ukuilishanya. Ntontonkanya lyonse ukutila, “Lesa nsungeni ukumfumya kuli ico.” Mwamona, ico—ico cilanasha icicetekelo inshita yonse, mwamona. Imwefye—imwefye . . . nga imwe—nga imwe . . . Nalishiba nga baya balekula, cila umo pali ifwe, tuli nokukwata icili nokucitika kabili icili nokucitika. Kabili Nalishiba utuntu uto utunono tuli nokuya tulefula, ilyo lintu ulekula, tufwilefye ukucita ico. Lelo Ndetontonkanya ukuti icintu cimo icabipisha, ni Satana ukuba icilongwe camweo wa muntu: uwasashila ukumalamba umwaume nangu umwanakashi. Nde—Nde subila ukuti Nshakafikeko kukuba ifyo. Ndesubila ukuti Ndino kushipikisha, ifisendo fyandi, kabili—kabili ukufika pacifulo ico . . . Ndefwaya umweo wandi ukukwata icilongwe ca Bukata bwakwa Lesa: Ukukokola ukukalipa, ukutekanya, umutende, ubufuke, kabili ukwisushiwa no Mupashi wa Mushilo.

⁹ Kabili Ine . . . cimo icintu pafikulu ifya ncena munshita ya mweo wandi onse mibele yamyumfwile yandi. Icakuti Naishileba uwanakisha, kabili Naba uwabula amaka. Ndaba . . . ngumfwa kwati tapaba umuntu nangu umo uunsakamana, namwishiba, kabili—kabili imwe bonse mwaliba . . . Naimwe mulacikwata, pamo. Kabili Nalicikwatafye ici mukucilapo, namwishiba,

kabili cilesa mukubipa limo limo, kabili Ndafilwafye noku... Ca kutitikishiwa, kabili ico ecilenga. Kabili Naishilefika pancende imo ukuti inshita ishingwi, maka maka nefimonwa filya, mwamona, cinjikatafye. Ndalolesha umuntu, Natontokanyanya ukuti, "Ici cimonwa. Iyo, iyo, iyo, teco. Ee! Bushe teco?" Mwamona? Kabili tamwishibefye umutengo wenda neco. Eico nombambico nombambwa wambawambunguka. Elyo watampa ukutontokanyanya ukuti, "Ukuba, uli..." Nombambwapilibuka nokutula, "Ukuba, nombamb, finshi-finshi Nacita? Pano pantu Ndi, Ndi-Ndi nemyaka yakufyalwa amakumi yasano kabili Nshacitilapo icintu Shikulu; kabili Nde-Nde kula. Kabili ninshi...? Oh, owe." Elyo wasendafye i...fintu twaleita "icinsokuwa." Bamopali imwe mwebabwananyina mwebali umushinku wandi muleibukisha cintu baleita "ukukwata icinsokuwona." Bataata balelandapo pali ico kabili Nalesunguka pafintu balepilibula, kabili Ninshininkisha nombambfintu balepilibula. Eico nombamb, kulaba ukumfwa iyonshila, ico icicabaponecishinka; niwefye, namwishiba. Mwamona, namucishiba, niwefye ulecita ico.

¹⁰ Eico Naleesha ukuitalalika panono nombamb, nokuipekanyanya palwambpalwamb kusunka ukukalamba uko Ndesubila kuleisa nombamb line. Kabili nombamb ukupita...Nfwile ukuya ku New York nombamb line, kabili Ndi...kumusonkano kuno, imisonkano. Kabili nokuya kwisambamb ku Shreveport, elyo ukuya ku Phoenix. Kabili nombamb ukwisa ku mboshi...umupaka wakumasambamb wa United States. Kabili tulepekanyanya ulwendo lwaku fyalo fyakutali nombamb, ukutampa mukwangufyanya nga fintu twinga kwanisha ukubalilapo mu mwaka, limbi muli Kutumpu, muli Shinde, ifyapala ifyo; uko tukatampila mu Stockholm nangu mu Oslo, kabili ukushinguluka icalo, nga kuti twakwanisha muli ubu bulendo bwakushinguluka ubulekonkapo.

¹¹ Kabili nombamb Ndi pa ng'anda, ndeesha ukutushako panono, ukweshamb ukuibweshamb nemwine kabili ukubwekela kubumi busuma. Kabili nga Shikulu asuminisha, Nkabwela pa Mulungu uleisa, ukufuma kwisambamb ku Kentucky. Kabili-kabili nga cilifye bwino, icaseshamb Shikulu, na Munyina Neville tasakamene; ukuba, Ndi nokukwata ukulongana pa bushiku bwa Mulungu uyu mulungu, nga-nga Shikulu asuminisha. Kabili nga Alifye uwasuminishako nga fintu Munyina Neville ali, Nka-Nka ba kuno. Ee mukwai, Alifye nga...nga cakuti Ali uwasuminishako palwamb ico nga Munyina Neville. Ndesubila Ali uwakabila. Nombamb, moneni, ninshi Naishiba ukuti nombamb line Nde, nga Shikulu asumunisha, Ndi nokuya ukufumapo pali imwe pakashita akalinga.

¹² Kabili Ine...imbila ishinono, lintu Natola cimo pamutima wandi, elyo Nde-Nde-Nde umfwa kwati Ndefwaya ukucilondolola kuli iwe, mwamona, kabili twakwata isenge kuli ico. Nombamb, Ninkwata ayanono yena, yasano nangu mutanda

ayaishile kuli ine munshiku ishinono ishapitapo. Kabili Nalile, inshiku shibili kuno, mukulunga utupale kuno. Kabili Naingile mumpanga, nokusenda akalembelo ne pepala. Mwamona? Panshita intu kuba bwino bwino kabili bwaca, Nashintilishako ku cimuti pancende imo. Nga Nshile mukulala, Natampa ukupepa, kabili elyo Na, Shikulu alampela icintu cimo, Natampa nokulemba amashiwi pali ico, mwamona. Namwishiba fintu Ndepilibula; lintu wafika kuli iwe wemwine, kabili elyo wa. . . Nomba apa Naingilamo, ukucilemba conse pacipanda cepepala. Kabili elyo lintu Naitwa, Ndabutuka nokusenda icipanda candi nokuya pitamo kabili nokumona fintu Ningatampa, mwamona. Ifyo efilecitika nomba line.

¹³ Eico nomba, Ndefwaya, nga Shikulu asuminisha, ukulandafye. . . Ndeesha ukupanga. . . ukuputula shilya ishikulu, ishitali imbila, mwamona; uko cimisendela inshita iitali. Kabili Shikulu alingafwile ukucita incito iipi iyaico kulya ku Chicago, ubushiku bwapitilepo pano, yali ba miniti amakumi yatatu. Kabili umu umuntu aishile, nokutula, “Nshiletontokanya ukuti caciba muli iwe, lelo wacitita!” Eico ba miniti amakumi yatatu, ukufuma kuli ba ora babili naitika, nangu batatu, namwishiba. Eico limbi kuti Na angufyanya muli ino nshita yabushiku kabili nokukwata ukweshwa, ukukana miteeka inshita iitali.

¹⁴ Lesa amipale. Temulandu konse uko Nkaya, takwakabepo incende iyaba nge hema pano. Niku ng’anda, ing’anda yawama. Kabili Nde umfwila pamo ubulanda nolupwa lwaba Weaver. Kabili noyu munyina uwafita uufwile, Nalipepele nankwe pakashita akanono cibe talaya, kabili uwamibele iisuma. Kabili ali ku Mwesu na Lesa nomba, kabili cena nacipwa. Kabili ufwile waya nangu cingaba ifyo, kabili twalishiba ifyo. Eico ifwe tuli. . . lekeni Lesa aleke imyeo yabo ukutusha mumutende, kabili ubushiku bumo tulecetekela ukubakumanya mu Calo kwishilya, ukushaba amalwele, ubulanda, nangu imfwa. Mpaka ilyanshita, lekeni tucite fyonse efyo twingacita pa Mbila nsuma.

¹⁵ Ukulanda pakutitikishiwa, Nacilapepelapo munshita yalucelo. Bushe finshi wingacita nga taukwete ukutitikishiwa? Tontontokanyafye pali ico. Ukutitikishiwa kwaba cipandwa ca bwikashi. Ico cacinkoselesha lintu Nacitontokanya pali ico. Nga tamwakwete ukutitikishiwa, kuti mwaba nga akalubi kakubila, teti ukwate ifyakumfwa. Teti pabe ifya kubombelapo. Ngo mulume nomukashi, limbi nga alefwaya ukucita icintu cimo, kabili baleesha ukubombela pamo (maka maka abena Kristu), kabili ulya umbi alefwaya. . . Kabili nomba lintu mwaisa pamo uku. . . wasanga fintu acitile; asanga. . . Mwamona, ukutitikishiwa mucine kulamileta ukupalamana pamo. Kabili umuntu umu akweba ico, “Ukuba,” atile, “tontontokanyeni pa mukashi uwapitile mukutitikishiwa lintu iwe tawali bwino,” nangu “umulume uwapitile mukutitikishiwa

lintu iwe tawali bwino. Elyo fyonse nga fyaelelwa, mona fintu waumfwile palwa ena. Owe, Iwefye..." Mwamona, ufwile wakwata ukutitikishiwa. Capwa.

¹⁶ Kabili tontonkanyenifye, pa fyakumfwa, nga nga cakuti tawakwete ifyakumfwa, ukwabula ubukali ukwabula nangu cimo? Nga nga cakuti takwali ubukali nangu bumo? Tekuti ukwate ifyakumfwa nangu fimo. Mwamona? Kabili nga taukwete ifyakumfwa, ninshi kumo pafya kumfwa teti ukwate. Mwamona? Eico, mwamona, fyonse ifintu filifye bwino nangu cibe ifyo. Eico, "Les, alatupela ukusenamina ukwakwiminina kuli ico," ifyo efyo caba. Nga twaiminifaye nakulya kusenamina, kabili nokwiminina palya nokutilla, "Natwishiba ukutilalintu uno mweo ukapwa, umbi uukalamba uli kulubali kumbi uko tulelolesha ukuti tukaye." Kabili nomba, tu—tu leibukisha ukutilla fyonse ifi fintu, uko ekutitikishiwa.

¹⁷ Ukutilla, bamo abantu balesha ukulangisha ubwina Kristu, ukutilla "waba uwakakulwa kukusakamana. Iwe uli..." Iyo, tauli. "Uli uwakakulwa ukufuma kukutitikishiwa." Oh, Iyo! Ulalundako ukutitikishiwa lintu waba umwina Kristu, pantu waali uwapala kafwala-watuputula, uushisakamana-ifyakuntanshi fyonse ifili kunse kulya, ukwabula ukusakamana fintu wacitile.

¹⁸ Lelo ngaba umwina Kristu wacine, yonse inshita ninshi uletontokanya, "Bushe Ndemusansamusha Shikulu wandi? Nga kuti Naumfwa kuli Ena!" Cikubika mukutitikishiwa, cilakubika mukuilonda. Ifyo efikupanga fintu waba. Eico nangu cibe ifyo, ukutitikishiwa lipalo. Nimunshilafye iwe ulekumona. Nimunshilafye iwe ulekumona. Mwamona? Nga waloleshafye kumbali imbi, kwaliba—kwaliba... Temulandu efyo wingalepula icintu conse, ucili naukwata imbi shibili kuli ico, mwamona. Eico ulefwaya ukumona shonse shibili imbi.

¹⁹ Eico ukutitikishiwa... Ndetontokanya, "Oh owe, ni... Bushe uku ukutitikishiwa nicinshi? Nga Nafyelwe ukwabula uku ukutitikishiwa." Ukuba, nga Nshakwete uku ukutitikishiwa, nga Nshali fintu Naba. Nga shali umwina Kristu, limbi. Nyuku ukutitikishiwa ekwantwele mukuba kuli Yesu Kristu. Mwamona? Eico, caliba icintu icepalo kuli ine.

²⁰ Eico nomba, nga fintu Paulo alandile, nga fintu akwete ukutitikishiwa nangu icintu cimo nangu cimbi, alile mukupandwa amano kuli Shikulu uku—uku cifumyapo pali ena imiku itatu. Kabili Shikuu atile, "Shauli, Uwandi... Paulo, ukusenamina Kwandi kwalilinga."

²¹ Atile, "Nomba, Nkakwatilla ubukata mukucushiwa kwandi. Ninshi lintu Ndi uwanaka, Ndi uwakosa." Mwamona? Nga cakutifye bufwayo bwakwa Les, csuma.

²² Nomba, Nali Mwipwishepo inshita imo lintu calempamfya nganshi, calentinya. Kabili Alinjebele, imyaka yapitapo cine

konse konse nangu ikumi limo, Atile, “Tacakakutinyepo nakabili.” Kabili tacatalantinyapo nakabili. Iyo, mukwai; wi—wi sakamana pali ico. Ndacumfwa cena, lelo Nalishiba ukuti epo caba; lelo Ntwalililapofye pantu tacintinya nakabili, naliba uwatotela palico.

Nomba, Nga alitile, “Tacakatale citikapo,” cimo cine nokutula, “Tawakatinepo nakabili.”

²³ Eico bufwayo Bwakwe ukuti cicitike, kanshi Ncipokelelafye nokutula, “Na Mutotela, Shikulu, Ndi nokwenda iyo nshila.”

²⁴ Nomba, natukontamike imitwe yesu pakashita akanono mwi—mwi pepo. Bushe kuliko ukwipusha kwamapepo ukwaibelako? (Ndemona ututambala natulambalala pano.) Imyeniko ukuboko. Shikulu, paleni cila umo pa bana Benu.

²⁵ Mwe Taata wesu uwamu Myuulu, lintu twaisa nomba ku Cenu icikalamba, Icipuna icakusenamina, pantu nabatwipusha ukwisa. Tuleisa pakwitwa ukwakwa Yesu Kristu. Kabili twaisa namasakamiko yesu, nokuyaleta pali Ena pantu Alatusakamana. We citalaliko icikalamba cena cili, pakwishiba ukuti Alatusakamana. Lesa umukalamba uwaku Muulu, Kabumba, uutusakamana, fwe fibumbwa Fyakwe. Tuli abansansa pali ico, Shikulu. We citalaliko we munshita shino shintu tuleikalamo, lintu kulemoneka ukubako u—u kwakufumya icitalaliko ukufuma ku cintu nangu cimo lelo i Cebo Cenu. Ico ecitalaliko, Bulayo Bwenu. Kabili mu Bulayo Bwenu, Mwatile lekeni ifyakwipushapo fishibikwe, kabili “Nga mukepusha icili conse mwi Shina Lyandi, Nkacita ico.” Kabili bonse ubu Bulayo ubukalamba: “Lomba kabili ulepokelela. Landa kuli ulu lupili ukutula, ‘Sela,’ kabili witwishika, kabili luli nokusela.” Bonse ubu Bulayo, kabili ifwe kuti twafumya kuli Cilya efyo tulelombapo.

²⁶ Amaboko yacimishiwa, balekabila icintu cimo, Shikulu. Imwe namwishiba ifyakukabila fyabo; bapeleni, Taata. Nabika ipepo lyandi pamo nayabo kuli Imwe, ukuboko kwandi nakwima pamo nayabo. Apa palambalele pali ilitebulo pano, ututambala tulambalele pano. Oh, efyo abantu ababa necicetekelo, icicetekelo icabulamba, Shikulu... Cilemoneka ukuba icintu ico Mwampaala naco, ukuba uwakupepelako abantu abalwele. Konse, ukuli konse, konse kuntu Naya, ciba icintu cimo icakupepelela abalwele. Lesa, afweni nomba. Ndepepa necishinka ukutula Mupele abantu fintu bepwishepo pali utu tutambala utubikilwe pano, kubantu abepwishe. Leken i ukusenamina Kwenu kube pali bona.

²⁷ Shikulu, natukutuluka ukuti Nkashi Hicks nakwata namayo muno, uwaishile nendeke ukufuma kuncende ukutali kumo ukuti apepelelwe, nepwa londa; kabili acilafwaya ukwishiba nga kuti amuleta ukuti ese kuno. Napepa, mwe Lesa, ukuti Musunge umweo waulya muntu; cisuminisheni ico. We mwipwa wandi

munono, Mikie, weulele kunuma umulwele nokuluka, nomubili ulekaba, afumafye pa cibi. Shikulu, Ni—Ni nctetekela ukutila twacikwata ipepo lyabacetekela palya ukutila Namufileshe, kabili Ndi—Ndi—Ndi uwatotela kuli Imwe, nacilaumfwa ukukaba kwa mubili kulefuma mumulumendo cibe Nshilafuma mumuputule.

²⁸ Nomba, Shikulu . . . kabili uku Mitotela palifi fyonse ifintu. Nomba caponena pali ine ukulanda pa Cebo Cenu. Tupeleni i Cebo Cenu, Shikulu. “Icenu i Cebo Cishinka.” Paleni imyeo yesu kabili tupeleni u—u kusenamina uko tulekabila, ukuti limbi tufumye mu Bulayo bwakwa Lesa muli ino nshita yabushiku, mu Cebo, ukutusunga ukutupisha munshiku shshalako muli uno mulungu; cisuminisheni shikulu. Paleni kakumba wesu, uyu mweo wabulamba, umukashi wakwe, abana bakwe, abakalamba, abacetekelwa, na onse umuntu uyo aisa muno nangu ukufuma muli cino cikulwa; cifikilisheni ici, Taata. Mwi Shina lyakwa Yesu Kristu twalomba aya amapalo. Amenii.

²⁹ Nomba, Ndefwaya ukubelenga ukufuma muncende shibili mukulemba kwakwa Shikulu. Ndefwaya ukubalilapo ukubelenga mwi Buuku lya Malumbo, 86 Amalumbo. Kabili elyo Ndefwaya ukubelenga ukufuma mu Washila Mateo, iya 16 chapitala, 1 ukufika ku 3. Kabili Ndefwaya ukubelenga icipandwa ca aya Amalumbo, teyonse lelo panshi pa versi ya 11, iili ukucilapo pali citika ya iyo.

³⁰ Kabili Ndefwaya ukubilisha ici, nga Nacita icakubelenga, libe Nshilashimikilapo: *Inshita Yakwikatana Pamo Ne Cakumwenako*. “Ici Cakumwenako canshita yakwikatana,” ico caumfwika ukukosa. *Ukwikatana* (Mwamona?) *Inshita*, inshita yakwikatana, ifyo eflyo cili nomba. Kabili *Icakumwenako* ca nshita yakwikatana.

³¹ Mu—mu Malumbo, ipepo lyakwa Davidi, aya 86 Amalumbo.

Pepekeni ukutwi kwenu, O SHIKULU, ng’umfweni: pantu Ndi mubusu kabili uwakabila.

Bakilileni umweo wandi; pantu Ndi wamushilo: O imwe Lesa wandi, pususheni umubomfi wenu uyo uwacetekela muli imwe.

Beni abaluse kuli ine, O Shikulu: pantu Ndilila kuli imwe cila bushiku.

Lekeni usangalale umweo wa mubomfi wenu: pantu kuli imwe, O Shikulu, eko Nsumbwila umweo wandi.

Pantu imwe, Shikulu, muli basuma, kabili abaipekanya ukwelela; kabili abafulisha uluse kuli bonse abo abeta pali imwe.

Kutikeni ukutwi, O SHIKULU, kwi pepo lyandi; . . . umfweniko kwi shiwi lya fyakwipusha kwandi.

Mubushiku bwa bwafya bwandi Ndi nokwita pali imwe: pantu imwe muli nokungasuka ine.

Oh, bushe ico taciweme? “Imwe muli nokungasuka ine.”

Pakati kaba lesa tapaba uwaba nga imwe, O Shikulu; kabili takwaba imilimo yonse iingalingana no mulimo wenu.

Ifyalo fyonse ifyo mwapanga fili nokwisa kabili nokupepa pa cinso cenu, O Shikulu; imwe mukakatamika ishina lyenu.

Pantu imwe muli bakulu, kabili mucita ifisungusho: imwe nimwe Lesa mweka.

Umfweni nomba:

Mfundisheni inshila yenu, O SHIKULU; Ndi—Ndi nokwenda mucine cenu: ikatanyeni umutima wandi ukutina ishina lyenu. (Ukwikatana! Mwamona?) . . . ikatanyeni umutima wandi ukutina ishina lyenu.

³² Ndelanda nomba pa kwikatana kabili icakumwenako inshita. Nomba, mu chapitala 16 iyakwa Mateo Washila:

Aba Faliseo pamo naba Sadduke baishile, . . . ukumweshwa ena, ukufwaya ukuti ena enagabalangisha icakumwenako ukufuma kumuulu.

Kabili Ena abaswike nokutula kuli bena, Lintu caba icungulo bushiku, imwe mutila, K. . . Kwena kwalaba inshita iisuma: pantu ikumbi nalikashika.

Kabili mulucelo, Lyena lilebwela pesamba . . . ileelo tabucele bwino: pantu ikumbi nalikashika nokufita. O imwe ba myalu myalu, imwe kuti mwalingulula ifyo umuulu ulemoneka; lelo tekuti mu lingulule ifyakumwenako ifya nshita?

Shikulu alundeko ukusenamina kwa mapalo Yakwe kukubelenga kwa Cebo ici.

³³ Nomba, tulelanda palwa uku kwikatana, inshita yakwikatana; icakumwenako canshita yakwikatana. Mwamona, Yesu aali apa, mulili llemba twacibelenga, Alekalipila bashimapepo pakukana ishiba ukulingulula inshita nangu icakumwenako icanshita. Nomba, ico caliba icintu icikalamba ku bantu, mwamona, ukuba abakulingulula icakumwenako inshita tuleikalamo; pantu Lesa alalemba apaololoka icakuti tapali uwakucibutuka.

³⁴ Nomba, nga kukonka, kuti Naya kunuma nokuyabula bakapyunga bambi, bakapyunga bambi abakwa Shikulu munshita yamu Baibele (ngecakumwenako munshita yakwa Noah, icakumwenako munshita yakwa Danieli kabili—kabili ngefyo fine, ifyakumwenako ifyapusana pusana), lelo Ndefwaya ukucilila ico muli ino inshita yabushiku uku—uku sunga

inshita, ukuba uwa . . . Lelo caba lyonse munshila yakwa Lesa, ukubapela i—i cacifyalilwa icakumwenako icanshita, icakuti bonse baishiba inshita fintu—fintu ili. Kabili aba Fariseo balingile ukwishiba inshita yabo. Balingile ukwishiba ifyo inshita yaali. Alandile pancende imbi ukuti, “Nga cakutila mwa Linjishibe, nga mwalishibe ubushiku Bwandi.” Mwamona? Cili—cili nganshi, i—i cikalamba icintu icakuti ifwe tukutuluke. Mwamona, “Ukwabula ukukutuluka!”

³⁵ Ifyo eflyo balelanda palwa bakasesema, baletila, “Kabili alikwete ukukutuluka, ukupitila mufimonwa ukufuma kuli Shikulu. Kabili i Cebo cakwa Lesa caleisa kuli—kuli bakasesema bakale.” Mwamona, balikwete ukukutuluka ukupitila mu Cebo cakwa Shikulu, kuli bakasesema. Kabili elyo, bakasesema balepela icakumwenako. Nga fintu, umuntu umo alambalele kabafu panshita iitali, elyo apilibuka nokulambalala kulubali lumbi. Umuntu umo alingile ukufuula ifyakufwala. Kabili oh, kwaliba ifintu ifingi fintu bacitile pakulangisha icakumwenako cintu baleikalamo. Kabili nomba twalishiba ukutila Lesa uwapangile imyuulu nesonde, kabili—kabili eico atantike imilimo Yakwe ukuti Alondolole inshita Yakwe ku cakumwenako, uyo umo wine Lesa alinomweo ileelo. Eico tufwile twaba, icintu cimo . . . Nga fintu tumona i—i nshita intu tuleikalamo, kufwile kwaba cimo umuntu umo aletoloka pakulolesha, kuncende imo. Mwamona? Pantu Lesa tekuti asuminishe ifi fintu ukucitika ukwabula ukutupela icakumwenako icashininkishiwa, ukuti uko, ukuti—ukuti ifwe twingakutuluka.

³⁶ Nomba apa pali icicintu ileelo, ukutila bashimapepo, tatucibelenga bwino. Cilifye nga fintu caali lilya, tabatontonkenye ukutila yaali ninshita. Ba—ba tontonkenye ukutila baleikala mumutende nganshi lilya, kabili eico tabalefwaya Messiya. Kabili Yesu alandile ukutila Ukwisa Kwake kukaba nga “kabolala mubushiku,” lintu i—lintu abantu bakaba abakukana ishiba Ukwisa Kwakwe. Lelo kwaliko bana cisungu abaile muku Mukumanya, citika pali bena, abakwete amafuta munyali kabili abaipekenye; balelolesha ukumona cilya icakumwenako. Kabili uyo eo Ndelandako muli ino nshita yabushiku, mwamona, kuli abo abalelolesha pacakumwenako nomba, icakumwenako Ukwisa Kwakwe.

³⁷ Ifi ifyakumwenako nga fyapelwa, kuli Shikulu, cipelwafye kuba cetekela. Abashacetekela tabacimona. Bena balaya nokufipita pamulu wafiko, kabili bena tabalecimona. Kabili nomba, ukuba icacine nga fintu caba ukutila Malaika wakwa Lesa kuti aiminina pacintamba muli ino nshita yabushiku, ukuba icacishinka nga—nga fintu Nde milolesha, kabili kuti Ndecilolesha; nangu kuti mulemulolesha kabili Ine teti mumone, nangu Ine kuti namulolesha kabili imwe teti mumumone. Nomba, namwishiba ukuti caliba mu Malembo; ico cili bwino

bwino i Cishinka. Bamwene... Namwishiba Paulo aliponene panshi, lelo bena... tapali uwalumwene u Lubuuto pali bena.

³⁸ U Lubuuto lwalifye palya pene lintu Yohane aiminine palya kuntanshi yamabumba, kabili amakana ayali kululamba kulya, bashimapepo kabili—kabili abamano, abantu abakalamba. Kabili Yohane atile, umwine eka, ali uwashininkisha ukutila alimwene u Mupashi wakwa Lesa uleikila nge nkunda nokwisa pali Ena, ne Shiwi liletila, “Uyu Mwana Wandu Uyo Ine mbekelwamo ukwikala.” Kabili nangu umu uwa Lumwene kano Yohane. Mwamona? Cena caalifye cakwefye.

³⁹ Bushe mwalimwene ifyo camoneke bwino, icakumwenako ica baume bamano? Baliloleshe, kwali... Bali aba Hebere. Tabali ababebeta imyuulu ba Mwenye, baali aba Hebere; pantu baali kulya kwishila mucalo cilya balebelenga palya kubebeta imyuulu, ukupwisha amasambilo yabo. Kabili lintu baali... baloleshe ukulungamika amenso ku Yerusalemu, kabili ukwishiba ukuti bamwene intanda shitatu ukufuma kuli cila umu iyabo—iyabo inshila-yakufyalwa, iyakwa Hamu, Shemu, kabili Yafeti, abamutundu bafumineko, cila umu, kabili balimwene iyi ntanda munshia-yakufyalwa. Ico caali cakumwenako icabo, ukutila shilya ntanda nga shatantama mumulongo, Messiya aali pesonde.

⁴⁰ Oh, owe! Tecakusunguka ukutila bena balishile nokutila, “Alikwisa Ena? Alikwisa Uyo ufyelwe Imfumu ya ba Yuda? Twalimona Ulutanda Lwakwe ku Kabanga, kabili twaisa muku Mupepa. Alikwisa Ena?” Balishibe ukutila ulya umwana umunono Messiya alilambalele kuncende imo, pantu Lesa alibapele icakumwenako icanshita, ukutila Lesa no muntu baleikatana pamo. We kwikatana we, lintu Lesa Umwine eka mumubili wa muntu! Ukukankala, ukukalamba kwa kwikana ukwacitike, lyali lintu Lesa aikatana no muntu; kabili ukusha ukukalamba ukubomba Kwakwe—Kwakwe ukuba Lesa kabili ukuitinta ukuitwala kuntanshi itenti Lyakwe kabili asendele ku buntunse, kabili ukuba umu pali bena, ukubalubula. Ukwikatana. Ico nicinshi? Ukwaletele umutende pakati kakwa Lesa nomuntu umuyayaya. Ifyo tuli abatotela.

⁴¹ Kabili ifyakumwenako tafyatuminwe... Nomba tontonkanyenifye, umuntu onse, kabili bonse ababebeta imyuulu; abantu, inshiku, inkoloko shabo shali nintanda. Paali kacefya uwalenina pamulu wa—wa camba, kabili alefika pamulu palya nokulolesha. Kabili alemona nga cakuti shimo intanda shili mumabumba yamo, lintu shilepita, aleishiba inshita fintu yaba. Muleibukisha mu Malembo, “Bushe yaba nshitanshi, kacefya?” Kabili kacefya alebwela nokumweba muli ora cali. Mwamona, bena balesunga inshita nentanda.

⁴² Nomba, tacili iceni ukutila ishi intanda shali bwino bwino mumulongo pakuti abaume batatu kabili tapali umbi

uwacimwene? Mwamona? Bwino bwinofye mumulongo. Nomba, kuti mwaba mu mulongo na Malembo. Mwamona? Lintu isho ntanda shaishile ikatana, ukwikatana ishine sheka pamo muli ili ibumba, abaume batatunabo baliketene panshita imo ine. Kabili iwe kuti waikatana na Lesa, mu Cebo Cakwe, mpaka ifi fintu fyaba ifyacine, kabili iwe kuti wafimona nokwishiba ukutila fyacishinka. Mwamona? Icakumwenako icanshita! Kuti walolesha pamulu yaciko, nokutila, “Ah, fintu fyabula amano!”

⁴³ Lelo kuli *iwe* tecabula amano. Kuli iwe, waliba uwaikatana ne Cebo, kabili apa epo Cili. Elyo ici—ici cilfye mukupwililika Lubuuto, Munyina Pat, elyo—elyo—elyo iwe wamona ici icakumwenako caikatana nowacetekela. Kabili uyo eo Ndelandako palwa ici, niku muntu wacetekela, pantu uushacetekela tatala kucimona ico. Kabili wekukalipila kwingabako nga Aali pesonde ileelo, kubengi bashimapepo ileelo, abashingabelenga ici icakumwenako; icakumwenako ico tulebelenga cila bushiku pano pe hema, kabili ukumona ifintu. Kabili bambi balecibelenga nokumona ululembo pa cibumba, kabili libe abengi tabaciloleshapo, kabili tabamonafye nangu panono. Tacaba cintu nangu cimo kuli bena; tabacimona.

⁴⁴ Nomba, lolesheni, ukutila muli ici, ukutila Ena—Ena asontele ifyakumwenako ifyacalo. Nomba, lintu bamwipwishe pali ici, balefwaya ifyakumwenako; kabili Alibapele ifyakumwenako ifyacitike. Kabili balefwaya ukwishiba lintu ukupwa kwacalo kukabako, nicinshi cikaba icakumwenako icakupwa kwacalo. Kabili Alibalangilile incende ishingi ukupitila mu Malembo pa fyakumwenako ifyacalo, palwa fyakumwenako ifyamumyuulu mummyulu, necakumwenako icamwisonde; Abapele ifyakumwenako, icakumwenako, icakumwenako, lyonsefye icakumwenako. Kabili lintu... Abebele kulya muncende mumo palwa cakumwenako icacalo. Atile, “Lintu mwamona ifyalo,” mwamona, “fyatampa ukukumana ukushinguluka Yerusalemu,” mwamona, elyo twaishiba ukutila inshita yamafya yabo naifika, “lintu mwamona Yerusalemu bamushinguluka nabashilika ba bulwi.”

⁴⁵ Nomba, kunuma bena balecita ico, Lesa...icalo caali nokwikatana. Tito, uyu umukalamba umukalamba waba shilika bakondo waba Roma, aali nokwikatanya abashilika babo pamo nokwisa, panuma aba aba Yuda bakane icakumwenko iicanshiata icapelwe-kuli Lesa. Iyo enshita intuTito aikatenye imilalo yankondo yakwe pamo, kabili nokwisa senda umusumba. Intanshi kwaliingile ukuba ukwikatana kwa bantu bakwa Lesa (efyo balebeta) ukulwisha i Cebo cakwa Lesa, cibe icalo tacilaikatana icine ukulwisha abantu bakwa Lesa. Mwamona, u—u—u kwikatana, ukwikatana; ukwikatana pamo.

⁴⁶ Ndectekela ukutila tuleikala munshita iikalamba iyakwikatana. Ndefumyapo ishi nyali shakashika, kabili ifililangililo ifisanika sanika ne fintu fyonse (ifya banakashi,

fintu bacita; nabaume, fintu bacita; namachalichi, fintu yacita), ukulangisha kuli ili bumba ilinono, no mutima wandi onse, ukuti Nacetekela ukuti tuleitantamika mu Cebo cakwa Lesa muli iyi ora iikalamba iyabusesemo, cibe takulaba u Kwisa kwakwa Yesu; ukwikatana pamo nokuipekanya.

⁴⁷ Nomba, mwamona, Tito ninshi tala ikatanya ifyalo fya...imilalo yabulwi yakwe, Isreali balikatene abene pamo nokuibunganya pamo, ukuti bena teti bacetekele Yesu ukuba Messiya. Bali Mukene, kabili Nokumufumya kunse, kabili uku Mutanika. Kabili nomba, lintu bakene ipusukilo ilya tuminwe kuli bena, baikatene abene pamo ukucita ico. Nomba, sungeni ico mumano: ukwikatana pamo, ukukana i Cebo canshita! Bena balilingile ukucita ico. Kabili elyo bena bacitile ico, elyo icakumwenako ca calo conse caingilemo.

⁴⁸ Ifyalo fyatampile ukwikatana pamo, kabili Tito aletele umulalo waba shilika uukalamba uwabena Roma naba Greeki nokwisa shinguluka ifibumba fya Yerusalemu, ukwikalika balya bantu mulya nomba, kabili bena bafwile kunsala. Balilile ifipanda fyafimuti. Yosefusi, umukalamba we lyashi lyakale, alitweba ifwe. Balile ifyani ukufuma mumushili. Baipike cila bantu abana bamunankwe nokubalya; mwamona, kwati bantu bapena. Kabili elyo nomba, mukushalikisha, Tito, ena aikele kunuma kufyulu, ukushinguluka Yerusalemu kulya, kabili—kabili balya bantu abali mulya batontonkenye ukuti balecita ubufwayo bwakwa Lesa, lintu bamwene imilalo yabulwi ilefoleka ukwingila. Balikene ukumfwa ulya Umukalamba Kafundisha, Shilkulu Yesu, alebeba ico.

⁴⁹ Tapali umo pa bena Kristu uwaiketwe mukati mulya, pantu balimwene icakumwenako nokusela. Mwamona? Batile, “Lekeni abali pamutenge wa ng’anda eikila panshi, nangu uyo ali mumabala ukubwekelamo, esenda ikoti lyakwe; lelo ukubutukila ku Yudea, nokupepa ukuti uko kubutuka kwikaba munshita yampepo nangu pe Sabbata.” Pantu, munshita ya mpepo, i–i fyulu kuti fyaisula imfula yabuta; kabili pabushiku bwe Sabbata, iciibi—ifiibi fyalisalike, impongolo, kabili kuti baikatwa muli ulya mubele. Mwamona? Tulefwaya ukusela ukufika bwangu bwangu palwa . . . ifyo Lesa acita ifyo fintu, nga Lesa asuminisha.

⁵⁰ Moneni nomba, Ena . . . Bapepele ukuti cibe ifyo . . . teiyo inshila, Yesu alibebele ukupepela palwa ico, kabili taikete nangu umo pali bena mulya. Balile pantu bamwene pacakumwenako, kabili balile; ifyo efyonse fyali kuli ico.

⁵¹ Oh, ifyo amachalichi yaleelo yafwile ukumona icakumwenako ca nshita intu tuleikalamo! Butuka apo wingapela ku Kalbale, ku Mweo; teku chalichi, lelo kuli Yesu Kristu. Ikatanye wemwine na Ena, kabili te kabungwe kamo nangu isambilisho lye chalichi cimo. Ikatana na Kristu, kabili

ube uwashininkisha ukutila ni Ena. Teti usendefye icili conse, ufwile waba uwasumina ukutila ni Ena. We nshita yakwikatana we!

⁵² Nomba, twasanga ukuti balikene Messiya kabili nokuya ikatana abene pamo kabili ukuyaibika mucakusuminishanya, kabili bapanga i—i...i cakulanshanyapo pakati kabo ukuti nga cakuti umuntu uuli onse apokelela Yesu nga Kasesema, ukuti afwile ukumufumya kwisenge ukumufumya mu chalichi. Muleibukisha umulumendo wapofula uwaikele namenso yapofula? Kabili abasambi abatile, “Ninani abembwike? Ena, nangu ba wishu, nangu ba nyina?”

⁵³ Kabili Yesu atile, “Muliuyu mulandu, tapali nangu umo; lelo ukuti imilimo yakwa Lesa kuti yabomba, ukuba iyaishibikwa.”

⁵⁴ Kabili muleibukisha ukuti, bawishi nabanyina bafililwe ukulanda. Batile, “Nabeshiba ukuti uyu mwana wesu umwaume, lelo tatwishibe efyo aundepwe.” Pantu aba Yuda balilandile ukutila onse umuntu uukalanda ukuti Ena ni Kasesema, ukutila ena kuti afumishiwa kwisenge.

⁵⁵ Lelo, mwamona, imilimo yakwa Lesa yali ukutila uyu mulumendo tali wamulililya ibumba. Kabili atile, “Nomba, cili icintu iceni kuli ine ukuti imwe tamwishibe uyu muntu eko afuma, kabili libe Ena alilengele nalamona.” Mwamona? Nomba, ena kuti acilanda. Mwamona, iyo yali milimo yakwa Lesa. Alilengelwe ukuposhiwa, kabili ukuba bwino, kabili ena kuti—ena kuti acilanda pantu ttali uwaikatana kuli ena ukufuma ukuli konse. Eo imilimo yabombelwepo, kabili mucine cine alimwene...mumuku wakubalilapo mumweo wakwe.

⁵⁶ Nomba, aba Yuda balikatene pamo ukulwisha Yesu kabili—kabili ukulwisha bu Messiya Bwakwe, ne Mbila yabu Messiya Bwakwe. Tulemona icintu cimo cine cilecitika nomba, icintu cimo cinefye. Ukubombela pamo kuleikatana ukonaula ichalichi, kabili inshila imofye iyo yena...ilyo nipanuma ichalichi lyaikatana iline pamo, mu Cisaka cama Chalichi, Icisaka cama Chalichi ica Calo, ukukana kabili ukonaula i Mbila, i Cebo! Balikana i Cebo, amachalichi nayacita ifyo! Bena teti ba Cipokelele pantu Cili ukulwishanya namasambilisho yamufilonganino; temulandu impendwa ya Ntumba ya Mulilo iikakobama pa...pakati kabantu, nangu nibanga abantu ba...nifinga ifintu fikasobelwa ukucitika kabili fyacitika, kabili fyonse ifi ifyakumwenako ifikalamba ifyo Alaile mubushiku bwakulekelesha; bena teti bacite ico.

⁵⁷ Eico, bena baleikatana pamo abaene nomba, kabili nabakakumba wenu pano nabengi kuti bamyeba, abalebelenga, ukuti bena bale...balikwata akabungwe ka filonganino fyapusana pusana ifya mu—mu—mu calo. Kabili i...kwaliba kapyunga waku Lutherani uucitungulula. Ukuti, nga kwaisa ubusanso, nga kuti cacitika muli cino cipanda pano; nga

tatuli abaiKatana pamo nakalya akabungwe nefilonganino fya pusana pusana, ninshi ichalichi cesu teti cibe ichalichi, kabili kuti balibomfya ngo mwakusungila ifipe. Nangu umo pali ba munyinefwe amona umo umuntu adefwa nangu nacenekwa, kabili ukwasha ukushimikila kuli ena amapalo ya ku Mupashi, kuti twapikwa palico; cili bwino bwino fye icalungama. Kutu twapelwa imyaka ikumi limo mucifungo cabuteko pakushimikila ifili fyonse, pantu tatuli ba membala yaaka kabungwe kafilonganino fyapusana pusana. Tamulemona ululembo lwa ciswango? Mwamona? Mwamona?

⁵⁸ Nomba, tulemona inshita ya kwikatana iileisa. Mwamona? Nomba, lolesheni! Kabili nomba ichalichi cali ikatana icine ukulwisha i Mbila; kabili nomba lintu cacita ifyo, ifyalo fileikatana ifine mu Kubombela pamo ukonaula ichalichi nakabili; bwino bwino fye fintu cacitile mukubalilapo. Mwamona? Cileibwekeshapo icine kunumafye nakabili.

⁵⁹ Israeli alikene i Mbila mukubalilapo. Kabili lintu bakene i Mbila, elyo abashilika, imikalile yacalo yaikatene pamo (nafimbi ifyalo), kabili ukwisa nokonaula ichalichi. Kabili ileelo, balikana i Mbila yakwa Shikulu Yesu, kabili bali ikana Yena. Kabili nomba, inshita naisa ukufika kuntu Ukubombela pamo kuleikatanya icalo pamo ukulwisha ichalichi. Mwamona, cifwile ukuba muli iyo ine inshile. Nomba, cili ica afya ukulanda ifyo.

⁶⁰ Caali icakosa kuli balya aba Yuda ukucetekela. Batile, “Nomba iseni, mweba bwananyina, twamona ukutila—ukutila uwesu—uwesu Lesa ali naifwe, kabili eico twa—twa laya mwi tempele. Kabili nomba twalapepa, nokuleka taata wamushilo *Wakuti-na-wakuti* na taata wamushilo *Wakuti-na-wakuti* atangilile mumapepo. Isaleni impongolo!” Kabili Tito aliminine uwakosa, nokwiminina palya pene pamwaka nangu ukucilapo. Mwamona, ukubafye pakulonda, nokubaleka bafwe ulushile kunsala. Takwaali nangu umo uwafumine kuse yamusumba; kabili bafwile, kunsala. Kabili lintu aingile mulya aponeshe ifibumba panshi, umulopa wafumfumwike ukufuma nokulongoloka nga akamana panshi palya pantu aipeye fyonse ifyali mukati mulya.

⁶¹ Nomba, Malaika wakwa Shikulu aseseme ukuti, kunuma kulya mu Cipangano Cakale, kabili alilandile ukuti cilya cikacitika. Kabili balya bakapyunga, ababa bashimapepo, abafwile ukwiminina pali ico nokweba abantu ico, mucifulo ca ico, lintu Yesu aiminine pakati kabo, bena taba Mwishibe; kabili ukwasha ukupanga i—i . . . iyapalako u—ulukasa lwakwa-kalulu, “Tupangileko akasela, lekeni tumone ifyo—ifyo ici cicitwa! Tulange icakumwenako.” Mwamona?

Kabili Ena atile, “Ine . . .” Mulandunshi, Alicita ifintu ifingi ifingi nganshi, kabili libe bena tabalecimonu. Mwamona? Kabili

nomba ninshi ba Mukene nga uwabo . . . i Mbila yabulya bushiku, bena balikene i Mbila ya bulwa bushiku.

⁶² Bena balifililwe ukumona icakumwenako icabulya bushiku. Kabili icakumwenako ica—ica busesemo bwamu Baibele ubwapangilwe pacinso cabwe, kabili bena batile, “Lekeni twingilemo nomba!” Bena baali abaume bamushilo. Baali abantu abo ushinga lambalika akakumo kobe pa mweo wabo. Bena teti babe *ifyo*, kabili nomba—nomba ukuba—ukuba—ukuba shimapepo. Shimapepo kuti bamwipaya, ena kuti bamwipaya kukumulasa amabwe pakantu akanono. Eico alingile ukwikala ubwikashi ubwaololoka, umweo wamushilo. Ena teti acite ico, pantu ena alepolwa amabwe pacintu consefye. Kabili nomba bena baali abantu abakalamba, kabili abaume bamushilo mucinso cabantu, kabili libe bena balingilemo nokutila, “Nomba, ifwe twala . . . Natukwata Lesa, Lesa Uwaba naifwe ukupita munkulo conse. Twalaya mwi tempele Lyakwe ilyamushilo.” Ilyo lyali li tempele lyakwa Lesa ilya mushilo! Lelo, mwamona, bali Mukene mwi tempele Lyakwe ilya mushilo. Mwamona? “Twalaya mung’anda yakwa Shikulu. Nomba bonse imwe mweba Hebere mwalishiba ukuti muli mutundu wasalwa, twalisalwa, pano. Kabili Lesa ni Lesa wesu; Lesa wakwa Abrahamu, Isaki, na Yakobo. Ali pamo naifwe. Ali nokutupususha ukufuma ku bena Peliste aba shasembululwa kunse kulya (nga fintu cali), abena Roma nama Greeki. Alino kutupususha ukufuma kuli ico. Lekeni tuye kung’anda yakwa Shikulu!”

⁶³ Ico caumfwika bwino; lelo finshi bacitile? Ka Kula wang’anda aali kuno, mu mubele wakwa kapala wambao uwaku Galilee, kabili bena bali Mukene; lintu Lesa a Mushininkishe ukuba Inkombe Yakwe, kabili Umusambo. Kabili bena bali Mukene. Eico konse ukupepa, bonse bucishinka, konse ukuipela takwapilibwile icintu kuli Lesa. Balicitile ico! Kabili Lesa alekele ababulwi baba ukwikatana ukuti baconaule.

⁶⁴ Kabili tulamona ileelo, nga amachalichi ukupita kufilonganino kabili nafyonse, ukukana i Cebo cakwa Lesa. Tabafwaya iwe ukubebako pali ifi fintu, na scienci ileshininkisha ukupitila mufikope na fyonse fimbi, kabili nalyo bena tabalefwaya icintu cakucita na Ico. Eico ukubombela pamo kulepangika ukuconaula, nga fintu Tito acitile, kabili Baibele yalanda ukuti bakacita ico. Bwino bwinofye!

⁶⁵ Nomba, mwamona apo twikele? Inshita yakwikatana, lintu twamona ifi fintu fileikatana. Oh, mulandunshi ifwe tufililwa ukumona ifi fintu? Kuti wa—kuti wamonamo muno mu Malembo kabili nokumona apo Ena alaile pafyo, Ena ali nokucita. Nomba, tulemona cena cilecitika. Tulemona muchalichi fintu Alaile ukucita; tulecimona cilesa mukucitika. Tulemoba ifyalo nafikatana pamo. Tulemona imicetekele ileikatana pamo. Tulemona amachalichi yale ikanapamo.

Ninshita yakwikatana. Ni ora yakwikatana. Uyo emupashi wankulo, “Tufwile twaikatana.” Fyonse efyo mwalandapo fifwile fyaba ifyaampana pamo; nobuteko tabwacipokelele.

⁶⁶ Namwishiba, pamo ngo mwikashi. . . Ine teti ngo mwikashi, ngo mwikashi wamu United States, libe Ine—Ine. . . kuti mwampela ka checki ka ma dola yasano kabili Nshifwile ukubikapo ishina lyandi. Hmm. Mwamona, Ine teti ncite ico. Mwamona, ninshita yakwitana. Cena cifwile ukupita mukwampama ukwa musango umo, kabili uko kwampana icintu cimofye icileta ululembo lwaciswango. Mwamona? Ninshita yakwikatana, kabili cilebomba ukulungama ukuya muli ico. Kuti mwacimonafye namenso yenu, nga kuti mwacimona. Ninshita yakwikatana, uko fyonse ifintu fileikatana pamo.

⁶⁷ Aba Yuda—Yuda balikatene ukulwisha Yesu, nga uwabo—nga uwabo Messiya. Eico, twamona ifyacitike. Tulemona icintu cimo cine nomba, ukubombela pamo ukwikana ukuti konaule ichalichi, panuma ichalichi lyaampama mu Cisaka cama Calo icama Chalichi kabili ukwasha ukonaula i Mbila, i Cebo cakwa Lesa. Bena balesha uku Ifumyapo. Icintufye bengacita kuitwala mucisaka, pantu ico bena balipatukako; ibumba ilinono apa, ba Methodisti, kabili ba Baptisti, naba Lutherani, naba Prebyteriani, ba Church of Christ, kabili nafimbipo ngefyo. Teti bacite nangu cimo, pantu *ici* cimo cili nokulwisha *ici* cimo, *ici* cimo cili nokulwisha *cilya* cimo, isambilisho lyabo lyapusanafye nga fintu kukabanga kwaba ukufuma ku mboshi. Mwamona, teti bacite ico. Lelo lintu baba pamo, mwisamba lya mutwe uukalamba, balicipokele. Balicipokele lilya.

⁶⁸ Iyo enshila ba Katolika baba abaikatana, ba Katolika ba Roma, nifyo fine baliba abaikatana, baliba. . . abengi niba Katolika ba Roma; aba Greeki nabambi ba Katolika ta—ta baba sana nga Katolika ba Roma. Nomba baleikatana pamo, kabili uyo emulandu beminina pamo. Temulandu icicitika, ulya papa emutwe wa fyonse. Mwamona? Kabili temulandu fintu bonse abantu balanda, “Tapona; ena—ena—ena aliba umupatili wakwa Lesa, capwa; abauwakonka pali Lesa; alikwatapo amaka pambo, u Muulu, kabili nakumutwalo.” Mwamona? Eico tapali icinti icinga citwa muli *ulya* mulandu; fyonse fintu alanda, ifyo efifwile ukucitika.

⁶⁹ Nomba ba Protestanti baipanga abene umutwe nga filya, cimo cine. Kabili bushe Baibele tayalanda ukutila kwali icipasho icapangilwe ku ciswango? Bushe icipasho cinshi? Cintu icapala nga cena, icapangwa nga cena. Apo caba cena, icintu cimo cine. Bushe cinshi? Pakwikatana abene beka pamo, kabili uyu emupashi wa nkulo, *uleikatana*.

⁷⁰ Ukwikatana pamo nomba nomba, ukwasha ukonaula i Mbila. Bushe ba Conaula shani? Bushe kuti baonaula shani i Cebo cakwa Lesa? Bena bala Cipanga ukukana kwata

amaka, ukwabula amaka, pakusenda intambi nga fintu bacitile kukutendeka, kabili nokupanga i Cebo cakwa Lesa ukukana kwata amaka. Mwamona, batila, “Oh, ico. . . Mucine, elyo kabili. . .” Mwamona eko uyu namayo uushacetekela uwaleesha uku. . . ena. . . Nalaba ishina lyakwe nomba; nga kuti Namwitafye nomba. Ena. . . Ndeesha ukutontonkanya pa yeni.

⁷¹ Ndetontonkanya pali ababa Misisi Nation ubushiku bumbi; Ndetontonkanya ifwe ukuti twalikwete nalimbi nga lilya ukubuka. Ewaleya mufikulwa fya bwalwa kabili afumishe ubwalwa, nokuposa ifyakumwenako kabili ifintu fyonse nga filya. Mulandunshi bamo banamayo tekuti beme ileelo nga filya, kabili ukuya kuno nokulepula fimo ifikope panshi ifyabanakashi bamo ifya mutundu wakwe, kabili nefintu fyaba ngefyo? Ico, tabafikwata nakabili.

⁷² Nomba, lelo uyu mwanakashi, uushacetekela, uwalandile ukuti—ukuti “Baibele tayaba mulupapulo lwacalo, ukuibelenga mumasukulu yabuteko,” nefintu fyaba ngefyo.

⁷³ Nomba nabo, bushe namumona nakabili, balesha ukulanda nomba, kabili bakabelenga ba Malembo, batile ukuti “ukusesema ukwingi ukwaseseme mu Baibele yali iyalubana nganshi, kabili tafyacitike.” Kabili mwalyumfwa palwa ico kabili noku cibelenga. Kabili baleesha ukulanda ifintu fyonse; mwamona, baleesha ukonaula amaka ya cilya Cebo. Nga kuti baonaula kabili ukupyanishapo palwa Ici isambilisho nangu icintu cimo ico umuntu akwata, icilemoneka mumenso yabo ukuba bwino ukucila i Cebo, elyo ba Conaula ne—ne ntambi shabo. Kabili ifyo efyo bena baleesha ukonaula i Cebo cakwa Lesa, nipafikansa fya calo muma chalichi.

⁷⁴ Nomba, cila chalichi calikwata ifikansa fya calo. Church of Christ yalikwata ifyafiko, Christian church yalikwata iyafiko, kabili ba Baptisti, naba Methodisti, kabili naba Presbyteriani; fyonse fyalikwata ifikansa fya calo fyapusana pusana. Nomba, balemumako kuli cilya pantu balipatukana. Mwamona, tekuti bacicite kunama kulya, bafwile ukucicita nomba. Mwamona, iyi ninshita yakwikatana, kabili nomba balecibika pamo kabili uku cikolonganika nokumona fintu bafumamo nafyo. Owe, cili nga ukupanga umukate umo ukufuma kunama yakwa kabalwe, nefisoso ukufuma mukakopo, kabili nafimbipo fintu bakwete pamo; uku cibulunganika pamo, nokuposa fimo ifyumbu ne fintu pamo, kabili moneni efyo mwalakwata. Ine mucine nshilefwaya icili conse palwa ico. Iyo, mukwai! Iyo enshila balecitolamo. Mwamona, balebula abantu abacetekela ukuti Yesu aali kashimi kakwelenganya, icalichi icicetekela ukuti Yesu aali kashimi kakwelenganya; nabambi, bamo bacetekela ukuti Aali ni kasesema.

⁷⁵ Umo atila, “Inshiku shafisungusho shalipita.”

76 Umbi nao atila, “Kuti kwabako cimo icentu.”

77 Kabili nafyonse ifi pamo; kabili Baibele yatila, “Kuti babili baendela shani pamo kano nabasuminishanya?” Mwamona? Nomba, uyo emusango wakwikatana bakwata. Kabili ukukwata umo umukalamba uwamushilo taata ukucibika pamulu waico, kabili kulya ukwete icipasho caciswango, bwino bwinofye fintu Baibele yalanda. Nomba balikwata kapyunga waku Lutherani, emukalamba waciko. Ukuba, tulemona ukutila ninshita yakwikatana. Icintu cimo cine nomba, Ukubombela pamo nafyonse fileikana pamo; mu calo, namu chalichi nafimbipo, ukwikatana pamo.

78 Lolesheni icifyalilwa. Oh, owe! Icifyalilwa, nga kuti mwatamba icifyalilwa, cicita cimo cine icintu. Icifyalilwa kupenda kwanshiku ifyakumwenako fyakwa Lesa. Bushe mwalishiba ico? Yesu alibebela ukutamba icifyalilwa. Bemba kuti abuluma, mwamona, kabili kuti fyaba ifintu ifyapusana pusana, nefinkukuma muncende ishapusana pusana, ifyongo fyamucalo, ifyakumwenako mwisonde, konse kuti kwaba ifyakumwenako ifyanshita shileisa.

79 Mulelolesha amakumbi. Ninshi amakumbi tayalaleta imfula yamabwe, mwalishiba ifyo cicitwa? Utumakumbi utunonotulesa pamo, ukupanga ikumbi limo ilikalamba. Ukuba, ili lyalikwata akasakatu kamwela uulelisunka lyena, ili lyalikwata akasakatu kamwela uuleisunka, kabili yena yonse yapupila pamo, kabili elyo bakwata imfula yacimpungili. Mwamona? Yena yalekatana cibe takulaba imfula yacimwela; yena yafwile yacita ico.

80 Lolesheni ifibata nefibata fyamumenshi filekatana pamo ifine fyeka cibe tafilafuma mucalo cafiko. Mwamona? Balekatana pamo. Kuti mwafimona filepupuka ukufuma kukamana kuya kuli kalya kamana, ukufuma pano ukuya kulya, fyonse fileisa pamo. Fileikatana, ukuipekanya ukupupuka. Mwamona, cilfye...ico cifyalilwa, kabili Lesa abumbile icifyalilwa, ne cifyalilwa cibomba ukukonka ubutantiko bwakwa Lesa. Lifunde, ilishalembwa ifunde lyakwa Lesa, ukuti icifyalilwa cibomba ukulingana nefunde Lyakwe.

81 Kwati, ukulanda kukulonga kwapacililo, kuli amenshi yamucimuti ayaya panshi munshishi, panshi pamushila wa cimuti, ukwikala palya mpaka ukubuuka munshita amabula yakufimuti yatula. Lifunde lyakwa Lesa. Takwaba icamano icingalenga amenshi ukuya panshi palya; teti uyafumye, kabili teti uyatine ukuyafumyamo. Takwaba inshila yakucita ico ukucila pafyo Lesa acita. Lesa alikwata inshila iyapwililika. Eico lintu ibula lyapona, elyo Atuma amenshi ukuya panshi kunshishi nokuyafisa. Nga fintu Yobo asosele, “Mfisa munshishi mpaka ubukali Bobe bukapite.” Mwamona? Yaya panshi palya panshi lifunde lyacifyalilwa, ninshi ukutalala

takulaisa. Lolesheni kumabula nomba nga yatampa ukupona. Mulandunshi? Lifunde lya cifyalilwa.

⁸² Ifibata filabungana pamo, fyonsefye pali fyena, nokushinguluka icakufitungulula. Mulya fili nokwishiba mumusango umo, Nshishibe fintu ficita, lelo fileshiba ukuti cimo iciulme nga katungulula wafiko. Kabili icinono icilumendo, fyonse filesa pamo nokucikonka panuma, nokwima ukuya mumuulu. Kabili cena...tacatala fumapo palya pakamana nomba, lelo cili nokuya ku Louisiana nangu Texas nga fintu cingaya, kwibala ya mupunga. Mwamona, ninshi tafilaya ukupupuka, ukusha ing'anda shashiko uko fyafyalilwe uyo mwaka, fileikatana pamo. Ameni! Ifi fili; filekonka ukushinguluka intungulushi yafiko.

⁸³ Umulandu waico, muntu, taishiba intungulushi yakwe. Ee, mukwai. Bakonka ukushinguluka icilonganino, bakonka ukushinguluka bishopu nangu umuntu, lelo tabakonka ukushinguluka Intungulushi, Mupashi wa Mushilo mu Cebo. Mwamona? Batila, "Oh, ukuba, Ndetina ukutila kuti Naba uwacila mucipimo; Ndetina ukuti kuti Nalufyanya ifintu." Ohhhh, nifyo fine! Nga akabata akanono katile, "Nshatemwafye inshila ena asunga amasako. Nshilecetekela ukuti kuti Namukonka." Uli nokutalala ukufika kumfwa. Uli nokwikatwa kulya, nga tawile no—no kupupuka nga kuntu kuleya. Cilaikatanya pamo, kabili imibebe ilacita ico.

⁸⁴ Ifibata fyamumenshi filekatana pamo ifine kyeka, filepupuka ukushinguluka intungulushi yafiko; fyena ficita cimo cine.

⁸⁵ Bushe mwalimonapo inshimu shilebungana pamo? Inshimu shilekatana pamo, cibe tashilati shipupuke, ukushinguluka namfumu washiko. Ico nacilungama. Kabili uko aya, nasho shilaya pamo. Ee! Nifinshi shicita? Shena shilekatana pamo cibe tashilati shipupuke. Bwino bwinofye; conse icifyalilwa!

⁸⁶ Isabi lilekatana iline pamo cibe talilakuuka munshita amabula yapuka ku fimuti. Muli bemba, kuti mwalisanga; ilikulu...ilyo twita "ilyamunofu," involo. Lintu lyaleisa palya, cibe talilakuuka ukusela, muli nokulimona mubwingi bwa myanda amakumi namakumi, kunse kumumana, lileshinguluka nokushinguluka; mumenshi yamucele, lelo lisabi lyamumumana wa menshi yabulamo umucele. Kabili lilesa kumenshi yabula umucele, ukuya panshita yakukubikila amani. Lilaya kulya nokuya bikila amani, panuma ya myaka ine, nokufwa panumafye yakubikila amani. Kabili lileshiba ukutila lileya kulya mukufwa, kabili tekuti mulileshe necintu nangu cimo. Lilatoloka ifyakucingilako isabi nefintu fimbi, ukuya palya, ukufika kulya, ukwishiba ukutila lileya kumfwa yaliko. Lelo ifunde lya cifyalilwa elilenga ukuti licite ifyo, ukwisha ukuti lileya kulya mukubikila amani mucilindi, kabili ukufwa. Kabili

utunono tulesa mukufuma, kabili limo limo lilekatana nato nomba, kabili lisa mukuya muli bemba. Kwikatana! Lifunde. Teti ucimfye ifunde lyakwa Lesa.

⁸⁷ Ifyalo file—file tobaulwa, pantu inshita nomba eyo twamona ukutila—ukutila fifwile ukucita ifyo fine. Tuli munshila yafimfulunganya mucalo. Tulemona ifyalo fileputula bucibusa. Imyaka ne myaka, tulesanga ukuti *ici* calo nabacimona mukubombela pamo; *ici* cimo nabacimina mukubombela pamo. Kabili namunomwine mucalo cesu, baliciwamya nokubombela pamo, kabili ikesa teka! Mwamona, kukacita ifyo, tapali inshila yakulesha ico. Mulandunshi? Umulandu umo wine uo tekuti mulesha Tito. Abantu balikana Lesa ne Cebo Cakwe. Ee, mukwai, eico bali nokucicita, kabili cili namunshila yakucita ico.

⁸⁸ Ine, ilingi line, Ndasenda ba ora babili; Nimpita pali ba miniti amakumi yatatu, nomba line. Mwamona? Lelo ukwingishamo fyonse ifi, Ndesunkafye. Mulefibelenga nga mwafika ku ng'anda.

⁸⁹ Lolesheni, bena baleikatana nomba line. Mwatila, “Munyina Branham, bushe ico cishinka?” Bakesa ku Nkondo ya Armageddon; bwino bwinofye efyo bakacita. Mwamona? Kabili baleikatana palwa ico nomba line. Eico twakwatila ba U.N. kabili fyonse ifintu twakwata. Ifyalo fya ku Mboshi ukwikatana ukulwisha Ifyalo fyaku Kabanga, ukubombela pamo nafimbipo, ico cileikatana pamo. Ama chalichi yaleikatana pamo. Fyonse ifintu filemoneka kwati fileikatana. Ukwikatana, ukwikatana ifine fyeka pamo, efyo twamona.

⁹⁰ Pamo, lintu konse uku ukwikatanya kwa calo, *ici* icakumwenako, ifyakumwenako fya calo, eyo tumona muno mucalo, ifinkukuma muncende shapusana pusana, ifintu ifya pusana pusana ifileikatana; ukuleta icalo pamo, ukuleta abantu pamo, yonse ama chalichi pamo, fyonse ifi fintu. Kabili lintu konse ukuwikatana kulecitika, kwaliba ukwikatana ukulecitika. Ameni! Ifyo efyo Ndefwaya ukumilangilila nomba.

⁹¹ Lesa aleikatanya Nabwinga Wakwe. Aleisa pamo, ukufuma ku Kabanga naku Mboshi, kabili ku Kapinda kakukulyo naku Kapinda ku kuso. Kuli inshita yakwikatana, kabili eko ili nomba line. Bushe nicinshi Aleikatanina? U Kusumbulwa. Ameni! Lesa ale Mupekanya. Ee mukwai, ukwikatana! Bushe nicinshi Aleikatana naco? Ne Cebo! “Pantu imyuulu ne sonde fikapita, lelo i Cebo Candi tacakatale pita.” Aleikana Umwine eka na EFYA SOSA SHIKULU temulandu fintu ifilonganino nangu umuntu onse alanda. Aleikatana Umwine eka. Aleipekanya. Mulandunshi? Ni Nabwinga. Ico nacilungama. Kabili Aleikana Umwine eka na Shibwinga Wakwe, mwamona, kabili Shibwinga e Cebo. “Mukutendeka kwali Cebo, Cebo aali pamo na Lesa,

kabili Cebo ali ni Lesa. Kabili Cebo apangilwe umubili nokwisa ikala pakati kesu.”

⁹² Kabili i Chalichi na Nabwinga ne Cebo cileba fye cimo, mpaka i Cebofye Icine ceka cilebomba imilimo yakwa Shibwinga. Ameni! Mwacimona? Ukwikatana! Te takuli, “Ukuyampanya kwi chalichi”; te nacimbi ica ici, lelo butukeni ukufuma ku fintu fyonse kabili ukukakilwa kuli Yesu Kristu. Mwamona? Ninshita yakwikatana. Lesa, aleikatanya Nabwinga Wakwe pamo, uku Mubwesh; bwino bwinofye. Ukwikatanya ama Shiwi ya bulayo Bwakwe.

⁹³ Uwacibili Tesalonika, chapitala ya 2; Yena ilanda ukutila, iyi chapitala ya 5 itila, “Abashila abalala utulo mulukungu lwa mwisonde bakema. Kabili elyo tukekate nabo (abali nomweo, nabafwa), bakekatana ninshi ifwe tatulafika Palya,” pantu Nabwinga akaba uwapwililika lintu Akafika Kulya. Abamweo, abaleikatana abene beka ne Cebo, nabo abaya kale baliciteco kale; kabili Ici cileisa pamo, ukupanga ukwampana ukukalamba ukwa kwikatana ninshi takulaba ukuya Kulya. Ameni!

⁹⁴ Ukubombela pamo kufwile kwaima, fimbi ifintu fifwile fyaima, kabili ichalichi cifwile ukuikatanya icine kwishilya kulya, lintu filya... kabili ifyalo kunse kulya ica Cisaka ca Calo icama Chalichi; kabili Nabwinga afwile aikatana Umwine eka mwisamba lya Cebo cakwa Lesa. Pakucita ico, Lesa alituma icakumwenako icamu Muulu nefintu, icishininkisha kwi Chalichi, nga fintu Acita ku calo. Ameni.

⁹⁵ Lesa; inshita yakwikatana! Ee, mukwai. Oh, owe! Nomba, mwaibukisha, nomba, kuli ukwikatana kwa Cebo (ukwikatana kunuma nakabili), ukubwekesha “Icicetekelo icapelwe inshita imo kubashila.” Ukubabwekesha! Ukuti ici kuti cacitwa muli ubu bushiku. Inshitafye cingacitwa ni nombaline. Tacatalile acisanswa kuncende iili yonse; balile kulubilo lwa filonganino. Lelo, nomba, tacaampanya kulubilo lwa filonganino, pantu ninshita ya kwikatana ya baume nabanakashi kumutundu onse, lyonse ilangi, isambilisho lyonse, fyonse ifintu panshi yakwa Kristu ku Lubatisho lwa Mupashi wa Mushilo kabili ukubwekela ku Cebo.

⁹⁶ Inshita yakwikatana iya Chalichi! Oh, owe! Ukwikatanya i Cebo conse icasalanganishiwa konse konse kuli ifi ifilonganino: ukufumafye lilya line ku Nicea, ku Rome, lintu bapangile akabungwe mu chalichi cakubalilapo, kabili bapangile akabungwe muli Luther, bapangile akabungwe muli Wesley, bapangile akabungwe muma chalichi yakonkelepo. Kabili pakucita ico, babulile isambilisho, kabili elyo lintu Lesa atumine icintu cimbi, bakene uku Cipokelela. Eico, tacali icingacitwa mpaka nomba. Kabili Lesa alilaile, munshiku shakushalikisha, ukuti “Icicetekelo caba fyashi cikabwekeshiwapo kuli Nabwinga nakabili,” ukuti cikaba muli uyu musango, kabili

teti cibe inshita imbi kano ino nshita. Lolesheni icakumwenako ukufuma ku Muulu, nge Ntumba ya Mulilo iilekobama pakati kesu, ne fyakumwenako nefisungusho ifyakwa Shikulu Yesu Kristu. Kabili lintu Alelanda kuli ifwe, ta Cifilikwa ukuba icapwililika pe toni. Ameni! Elyo tulemona epo twiminine. Inshita yakwiktana pamo!

⁹⁷ Tulemona ifyalo fileikatana, tulemona isonde lileikatana, tulemona ukubombela pamo kuleikatana, tulemona ama chalichi yaleikatana; kabili tulemona Lesa aleikatana Umwine eka na Nabwina Wakwe, mpaka Ena ne Chalichi caba icintu cimo cine. Alleluya! Nga pyramidi palya. Cisuma! Ukwikatana abane beka pamo; Lesa aleikatanya! Mulandunshi? Tacatala cicitikapo, ukufuma munkulo ya chalichi, apo i Ntumba ya Mulilo yaali pa bantu. Tacatala acicitikapo, ukufuma munkulo ya chalichi catampilepo, eko bena bamwene ifintu ifyo ifwe tulemona ileelo. Kabili ici calengelwe ukuba icingacitika lintu Lesa atumine Ifikakatikilo Cine lubali nokutupela icakumwenako na Ico, kabili atumine ba Malaika cine lubali ukufuma ku Muulu; kabili ukubwela nokuleta i Cebo icasalanganishiwa muli filya ifilonganino, kabili nokucikakilila ukucibwekesha mu Cebo cakwa Lesa nakabili ukwikisha Mupashi wakwa Lesa Wakwe.

⁹⁸ Yesu atiile, “Nga cakutila imwe mwaikala muli Ine ne Cebo Candi caikala muli imwe.” Ukwikatanya Nabwina ukumubwesha pa Cebo, ico ni Lesa. I Chalichi ne Cebo, te Chalichi na masambililo, i Chalichi ne Cebo; Nabwina ne Cebo ukwikatana capamo. Oh, owe! We ca. . . Ukubwekeshapo kunuma cinshi? I Cicetekelo cabakubalilapo icaba taata bapa pentecosti, mwamona, abo abasalangene nebumba lyakwa Luther. Te Luther palwakwe; te Luther iyo, te Wesley, te balya abakalamba abatampile. Lelo panuma yakufumapo kwabo, kwaliko ichalichi icaimishiwe, kabili bena. . . ico bacitile neco nomba, bena bapangile akabungwe ukufuma muli cena. Bena bapokelele amasambilisho nafimbipo, kabili bafuminepo nokuya. Kabili lolesheni pali bena ileelo, nomba bena balisa nokwingila mulya mu Cisaka ce Sonde ica Filonganino.

⁹⁹ Nomba, imwe mwamona, lelo munshiku shakushalikisha, mwamona, tulemona ifintu filecitika nomba ifyo ifishacitikapo kukale. Mwamona, cena cakumwenako icakwa Lesa, kabili nafyonse ifi ifileikatana munshita yacakumwenako. Nomba, tulefwaya ukulolesha pali ico abacenjela kabili nokuba abashininkisha mucine ukuti ifwe natukwata ico. Ukusha ici. . . bena baasha i Cebo cacine baaya mufilonganino; ukupokelela amasambilisho nama tontonkanyo ayabantu aba pusana pusana mucifulo cakusenda i Cebo.

¹⁰⁰ Ukusokolola 10 yatiila, “I Mbila yakwa malaika uwalenga cine lubali.” Nomba ibukisheni, ico cilifye bwino pa Mapenga Cine lubali, kabili kuli ba malaika cine lubali abalelisha

Amapenga Cine lubali. Ico eco twalaisako icalakonkapo. Lelo ibukisheni palya, ukulanda kwa cine cine Cena catiila, “Ilya kwa malaika . . .,” te Penga lyakwa malaika uwalenga cine lubali, lelo “ni Mbila yakwa malaika uwalenga cine lubali.” Mwamona, te malaika we Penga, ni malaika wa Mbila! Mwamona, malaika ena alishishefye ipenga, ulya malaika walenga cine lubali, malaika we Mpenga. Lelo ici ciletiila, “Munshiku isha Mbila iyakwa malaika walenga cine lubali,” mwamona, lintu imbila yakwe naipwa. Mwamona, iyo ni Mbila yankulo ya chalichi. Muli iyi nshita, nomba ena afwile . . . i Mbila, te Penga iyo, kabili “icankama cakwa Lesa (ico icalembwa mu Cebo) cifwile capwa.”

¹⁰¹ Nomba lolesheni ubushiku buntu tuleikalilamo ileelo! Lolesheni pali fyonse Ifikakatikilo, ifyo ico cabweshehe cilya icasalangene i Cebo cakwa Lesa, ico Luther nabonse abashalako, abo bene abakalamba ba kapilibula abo abaile ku ntanshi; ifyo babwelele nokulangisha ico muli Baibele, apo bena bafwaile ukuba; umuntu onse palya penefye pacifulo cakwe, nefyo afwile ukucita kabili necili nokucitika ku chalichi; ico afwile ena acita, kabili necifwile ukucitika ku chalichi; fyonse ifi fintu ena alifishile ena aya. Kabili nomba, munshiku shaku shalikisha, lintu ifwe tatwishibepo icintu nangu cimo palwa ico, twalyebwa kalibela palwa cintu cimo ukucitika; nangufye mapepala yelyashi nefintu fimbi fyalilembele pali ico, kabili nokwisa bwino bwino nokusokolola ico nokubika ifyankama fyonse pamo. Ameni! Munyina, ico cisuma nganshi kuli ine! Ico, kuli ine, cileendela pamo ne Cebo. Ameni! Ine nshilesakamana cinshi—cinshi, nangu, Ine nshilesakamana ifyo abantu balelanda, baletontokanya, ifyo fili bwino, lelo kuli ine cena e Cine.

¹⁰² Nga abamano, ukwisa ukufuma ku Babiloni, bena babilikishe, “Alikwisa Ena, uufyelwe Imfumu yaba Yudah? Ali pano pe sonde, nombaline. Tufwile twamusanga Ena.” Ico nacilungama. Kabili Nincetekela Alifye mupepi nokwisa pantu Nalanda ukuti, “Moneni, Shibwinga aisa! Naumfwa ukulila kwapakati ka bushiku!” Ameni! Tuli bwino bwino panshita yampela. Oh, owe, inshita iyo tuleikalilamo. Moneni. Mwamona?

¹⁰³ Webushiku we! Wenshinta we iyo tuleikalilamo, ici icankama cikalamba icakwa Lesa ukuba icapwa; ukuletamo bu Lesa patatu, ukulangisha ifyo Cena cifwile ukuba; ifyo utuntu utunono uto bacetekelamo, nokufuma nokupanga Ena *ici*, naumbi ukupanga Ena *ici*, kabili naumbi ukupanga Ena *cilya*. Lelo Malaika wakwa Shikulu aishile nokuleta capamo tonse uto bacetekelamo, kabili nokufumyamo cilya Icine muli cena, kabili nokulangisha Cena. Kabili kuti mwacimona Cena, icabafye icapwililika ngafintu Cena caba, takuli inshita iimbi wingacitilamo. Cilya Cena, ifyo eflyo Ena aba. Mwamona, ulubuto lwansoka, fyonse—fyonse ifi fintu fypusana pusana

ifyaba ifyankama pakati ka bantu. Mwamona? Cinshi ico? Ena aali. . . Ici ecakumwenako cacintu nshi? Ukwikatana!

¹⁰⁴ Cinshi ico Ena aalanda muli Malaki 4? Akabweseshapo! Ukubweseshapo Icicetekelo cakubalilapo icaba pentecosti, ukucibwesesho kubantu abakwata i Mbila imo iine, ne cakumwenako icaba pentecosti cimo cine, necakushininkisha icabu pentecosti cimo cine, Lesa umo wine, Amaka yamo yene, ukufundisha kumo kwine, Ifintu fyonse bwino bwino fye, nokushininkisha kwa Ntumba ya Mulilo iyo iyapumine Paulo ukuwa panshi pali bulya ubulendo pamusebo, ilyo aleya ku Damasko pakati kesu ileelo, ukucita ifintu fimo fine Ena acitile muli bulya bushiku. Ukwikatana!

¹⁰⁵ Tulemona ifyalo fileikatana, tulemona isonde lileikatana, tulemona ama chalichi yaleikatana. Tulemona Nabwinga aleikatana, ukwikatana pamo ne Cebo. Mulandu nshi? I Cebo ni Lesa. Kabili nge Cebo. . . Nga Shibwinga (ukuba i Cebo), kabili na Nabwinga (ukuba komfwa wa Cebo), Fyonse fyaisa capamo mu Kwikatana. Fyena fyaikatana kwati bwinga. Mwamona, Bena baipekanya ukukwata ubwinga, kabili Bena—Bena baaba Umo. I Cebo caba niwe, naiwe waba i Cebo. Yesu atiile, “Pali bulya bushiku imwe mukacishiba cena. Fyonse ifyo Taata aaba, Naaba; kabili fyonse ifyo Naaba, iwe efyo waaba; kabili fyonse ifyo waaba, Naaba. Muli bulya bushiku imwe mukeshiba ukuti Naaba muli Taata, Taata nao muli Ine, Ine muli iwe, naiwe muli Ine.” Mwamona? Pali “bulya bushiku.” Bushiku nshi? Buno bushiku! Tulesanga ifikalamba ifyankama ifyafiswa ifyakwa Lesa filesokololwa. Oh, ifyo Natemwa ico!

¹⁰⁶ Oh, moneni ifyo scienci ne Cebo tafinga pashanishiwa, ngafintu fyena ficita ileelo. Fyena tafyalecitika ifyo kunuma. Cena ninombaline ukuti bacita ico.

¹⁰⁷ Moneni, Ena atiile, “ifyakumwenako ifya mu myuulu, ifyakumwenako ifya mu myulu.” Scienci, nefyakumwenako ifya mu calo; nomba balikwata ifyakumwenako ifikalamba mumakumbi ileelo, bena balikwata abamona ifya mu muulu na fyonse. Lelo cinshi ico aba abamona mu muulu bacita kwi sonde, ifyakumwenako? Cena cilabaletela umwenso. Bena tabaishiba inshita ilyo bena bafwile ukutuma mu muulu icintu cimo icaba ngefyo kabili nokuponyafye ama bomba, kabili ifwe tekuti tube napo. Mwamona? Nomba ifyo ifyakumwenako ifyo bena bakwata, ifya kumoneka ifyakutinya mu muulu. Mwamona? Bena balifikwata fyena, imfuti shamwela ishibutukisha kabili na fyonse, imisango yonse iya ifyakumwenako.

¹⁰⁸ Namumona uko bena balembale ici—ici icakumfwana pamo, ubushiku bwakonkelepo, ukuti tabakaponye nakabili ama bomba kulya konse, lelo nomba baaya panshi pesamba lya menshi kabili mulya mwine panshi mumushili, ukweshwa fyena mumusango umo wine. Mwamona? Bena balilemba ica

kumfwaninapo, “Ifwe tatwakacite ici, ngacakuti mwatiila tamwakacite ici (lelo tuli nokubwelelamo kulya kumwesu nokucita ico muli iyi ine nshila; ilyo natwishiba ukuti imwe mulecita munshila imo iine kulya kumbi).” Mwamona? Takulifye icintu nangu cimo, cena cilifye. . . tapalifye ukucetekelwa pakati kabo, tapali iyo—tapali iyo nangu cimo. Iwe kuti. . . Mwamona? Kabili naonse naumbi umunankwe. Ico ecakumwenako cakutinya.

¹⁰⁹ Scienci no muntu ne fyalo fyalipanga icakumwenako icakutinya mumakumbi. Ico cili bwino bwino icalungama. Nomba, ukulaitina umo nomunankwe. Kabili kwaliba icakumwenako icamu myuulu icapelwa kuli. . . Mwamona nomba, bena balikwata icakumwenako mu muulu pamo, icakumwenako icakutinya, umuntu uwaba kamona; kuti limbi akwata imfuti yamwela iibutukisha, kabili kuti yaponya nokonaula i calo conse. Ima nokuba kamona, kabili iminina weka palya. Takuli nangu cimo icilebalesha ukucita ico. Bena kuti icine cine bacita ico, bena. . . inshita yonse bena benga fwaya. Kutu baciponya mulukungu nga cakuti balefwaya ukucita ico, lelo. . . muma mineti ikumi limo nayasano ukufuma pali nomba. Kabili necintu cimo ico umo engacita, naumbi kuti acita muli iyoyine inshila, pamo. Eico, kuti mwamona ukuti bena balikwata icakumwenako, lelo ico icakumwenako icamusango uyo cilabalenga ukuba nomwensu.

¹¹⁰ Bena baleikatana capamo, ukubika amaka yabo pamo. isonde lyakaele, bena elyo balebikishapo amaka yabo capamo. Ababomfya ifipe fyabo nabo balebika amaka yabo capamo na Russia. Onse umuntu; lelo cila umo aletina palwa munankwe umbi. Mwamona, cena cakumwenako icakutinya. Ico nacilungama. Ico cakumwenako ca calo, ne fintu.

¹¹¹ Lelo i Chalichi calipokelela Icakumwenako camu Myuulu: Kamona! Ameni! Yesu Kristu, mumibele ya Ntumba ya Mulilo; ukutiila Ena aali mulya mu Cipangano Cakale, ukuti Ena lilya nomba Akumenye Shauli mumusebo wakuya kulya ku Damasko, umo wine Yesu pano ilelelo! Kabili cinshi ico Cena cicita? Bushe Cena cilaleta umwensu? Cena cileta ukutemwa, ukwikatana kwa umo nomunankwe. Ameni! Ukumfwila umo nomunankwe. Cena cileta Ukutemwa kwakwa Lesa, oh, ukutwikatanya ifwe nokutuleta ifwe, ku Mubili wakwa Kristu, ukwingila mukwikatana nga Nabwina. Ico eco cena cilecita nomba, uku ukwikatana kukalamba uko Lesa. . .

¹¹² Bena baleikatana palwabo beka, ibumba limo *pano* ukulwa na limbi, ibumba limo *kuno* lubali ukulwa na limbi limo. Pano ichalichi naciminina pakati kabo; imwe moneni icala citika, cena cili nokwikatana nabena. Ico bwino bwino nacilungama. Lelo, nomba, tulesanga ukuti ico cilaleta umwensu nokumfwa ububi.

113 Lelo i Chalichi, Nabwinga, aaba uwaikatana na Lesa pamo, pesamba lya Mupashi umo, u Mupashi wakwa Lesa, mu Kwikatana kwa mushilo ukwakwa Lesa, ukuba umo Nabwinga uwamushilo wakwa Lesa. Ico nacilungama, bonse capamo; ukwikatana kwa Mubili. U Mubili ukulalolela nga Nabwinga; nga—nga fintu Cena cili nga Nabwinga, nga fintu tuita palwesu Nabwinga. Pantu ekwikatana kwanshita yakwa Nabwinga, i Chalichi naco cileisa capamo. Cena cifwile capangapo ukutemwa kwaba ngefyo pakati kesu, icakuti teti ifwe tufwaye nokufumapo pali umo nomunankwe. Ico nacilungama. Lintu imwe mwa, imwe tamufwile ukulapapata abantu ukupepa, imwe tamufwile ukulabapapata bena ukupepa Lesa, imwe tamufwile ukubapapata bena ukucita ico icalungama. Bena babafye mukutemwa pamo Naena, mpaka tapali nangu cimo cimbi.

114 Cinshi ico iwe wingatontokanyapo palwa mukashanya umunono, cishiko umunono uwayemba icine cine, Uyo uuli nokupwa kumwaume umusepela uwawama uyo untu ena atemwisha nga pali kapashi, cena cabupilibulo ukucilapo kuli ena ukucila pa mweo wakwe, kabili alishibe palya pene ukuti bali nokupana? Ilyo bulya bushiku bwa bwinga bulepalamina, ulya muntu munono, Ndemweba, ena “endaukafye konse ukushinguluka.” Mwamona? Ena alepangafye ifintu fyonse ukuba ifyaipékanya; ena ukucimbila kuli ena mukupwililika. Ico nacilungama. Ifintu fyonse ifyo ifyamusekesha ena, ico eicofye afwile ena acita. Nakuba, iyo enshila cifwile ukubelamo ileelo mu Chalichi, ukutiila imyeo yesu ifwile ukuba iyafiswa muli Lesa ukupitila muli Kristu, abakakatikwa mulya na Mupashi wa Mushilo.

115 Icintu Ndefundapo imwe, cili icakumweba imwe pali ifi ifyakumwenako ne fintu ifyapusana pusana ifyo ifile citika, Nshikwete inshita iyakucita ico nomba; cikacitwa mumbila iimbi, Shikulu nga atemwa. Lelo kuliko icintu icinono cimo icibulile mu Chalichi. Kabili tulefwaya ukuti, ukufika kuli ico, kabili Ndifye bwino pampela yaico nomba. Mwamona? Tulefwaya ukufika kuli ico, nga. . . mulefwaikwa imwe ukucita ico. Nga cakuti imwe mwakana ukucita ico, ninshi imwe campiwila capwa, imwe mufwile mwacita ico. Pantu lolesheni, inshita yakwikatana naifika, pantu Lesa alebika i Chalichi capamo ukuba mu—mu Kusumbulwa kwa kuya kubwinga bwa Kwikatana Kukalamba: lintu Lesa no muntu bakampana mu Muyayaya, Lintu ifibumbwa fya nshita fikampana pamo no Muyayaya.

116 Cena panshita imo cacitilwe mumibele ya Mwana wa muntu pe sonde. Kabili Ena amupele u Mweo Wakwe pakuletapo amaka pakwampanya umuntu umbi nayayene Amaka yamo, pali Nabwinga wakwa Yesu Kristu. Kabili nomba i Chalichi cileikatana Cena palwaciko ku Mubili wakwa Kristu. Cena naciilenga Icline palwaciko ukuba icitungwa, ukuifumyako kuli

lyonse ikuusu linono, ukuipekaya Cena ceka palwaciko; ukuba capamo, ukwikatana bonse pakati kabo; oh, ukutemwa noku sansamuka, kabili na Mupashi wa Mushilo ukulaenda pakati kabo. Oh, owe, we nshita we!

117 Ilyo tulemona ifibaata fileipekanya, tulemona nefibaata fyamumenshi nafyo fileipekanya, tulemona nenamambi... inshimu shileipekanya, tulemona namakumbi yaleipekanya ukukwata imfula, tulemona ifintu fyonse; ifyo fyena fikatana palwa fiko capamo, pantu kusunka ukukalamba. Tulemona ba League of Nations, ukwa fyalo capamo, ukwikatana palwafiko mubabomfya ifipe pamo. Tulemona baleikatana capamo palwabo kuno ku Calo caku Mboshi. Tulemona ama chalichi yaleikatana yena palwayako capamo, nafyonse ifi fimbi. Eico cena mukupwililika tacinga citika, takuli inshita iimbi umu cali nokuba muli uyu musango; cena tacali nokuba muli uyu musango imyaka amakumi yabili iyapita, tacali nokuba muli uyu musango. Tacali nokuba muli uyu musango imyaka ikumi limo iyapitapo, cena cifwile ukuba inoine inshita. Mwamona, pantu ifi ifyo bacetekelamo ne fintu tafyafika pali ino ncende.

118 Nomba bukeni! Isunkanyeni mwebene, mukwangufyanya, kabili lolesheni kuno apo ifwe tuli! Nipesa tuli? Nga bamano, ifwe tulifye abaiminina bwino ne Cebo Cakwe, kabili no Lubuto lwakwa Shikulu lulebengeshima munshila yesu. Ubukata bube kuli Lesa Uwapulamo. Kabili Ubukata bube kuli Lesa Uyo uwatupela Yesu Kristu, Untu twatemwa, kabili alituleta kuli ici cifulo. Kabili ilyo tu... Ifwe tuli bantu Bakwe, fwebashitwa nomutengo wa Mulopa Wakwe.

119 Oh, owe! Lintu inshita yakukakana pamo yaisa, tulelolesha, kwati twakakene pamo umu nomunankwe mufikakilo fya Mupashi Wakwe, ifwe... Bushe kuti caba Mupashi Wakwe? Iciné cine, Wena Mupashi Wakwe. Cinshi ico Cena? Cena Cebo Cakwe, kabili Ena... uyo e Mupashi wa Cebo. Kabili lintu ulya Mupashi uwa Bulayo waisa pali imwe kabili nokushininkisha nokulangisha Wena palwauko pano pene, bushe Wena Mupashi umowine? Wena ni Umo wine ulya uwali pamo na Mose mumatololo! Niwena ulya Umo uyo pali Yesu Kristu! Ni Umo wine uwakumenye Paulo munshila yaku Damasko! Ena aba cimo cine mailo, ileelo, kabili nomuyayaya! Kabili acita Ena icintu cimo cine!

120 Kabili tulemona ifyalo ukuba capamo, tulemona ama chalichi yaleba capamo, tulemona aba bomfya ifipe capamo, tulemona nabacetekela ifintu fimo baleikatana, tulemona fyonse ifi fintu; kabili nomba tulemona Nabwinga ukwikatana ne Cebo. Oh, owe! Inshita iyo abashila bali nokwima nokwikatana pamo naabo abali nomweo, ukuya nokwikatana pamo na Yesu Kristu mu Muyayaya.

¹²¹ Lekeni Lesa atwafwe, cila umo, ukwikatana pamo na Kristu munshita ino iyabushiku, lintu ukucimba kuli fyonse ifyesu ifyo tukwete, nafyonse ifyo tukwete, umweo wesu onse, umubili, na mano yakwa Yesu Kristu, nokulolesha kuli ilya nshita yakwikatana.

Ilyo ipenga lyakwa Lesa likomfwika, kabili ne nshita ikaba naipwa,
 Kabili nolucelo lukafumya Umuyayaya,
 ukwabuuta kabili ukusuma;
 Ilyo abafwila muli Kristu bakema
 nokulongana kulya kwishilya kululamba
 lumbi kulya kwishilya (pamo na Nabwinga
 uuli mweo), nokusendwa capamo.

¹²² Lolesheni pakwikatana! Lesa ukwikatana ne Chalichi pamo ne Cebo Cakwe, i Cebo pamo ne Chalichi, ukutiila fyonse fibili ukuba cimo cine, “Landeni *ici*, kabili cena cili nokucitika. Citeni *ici*, kabili cena cili nokucitika. Ici eflyo cena cili; ici Nine kuli imwe, ici Nine ndecishininkisha cena; ici Nine pamo naimwe.” Bonse.

¹²³ Tulesanga ukuti nomba inshita yafika ilyo Ipenga lifwile lyalila, nabalya bonse abashila abalala kulya, abo abashingaba abapwililika ukwabula ifwe; (aba Hebere 11); kabili lintu baisa pamo bena kwikatana pamo, bena kwikatana pamo naba mweo. I Chalichi ukwikatana pamo ne Cebo, elyo nomba i Chalichi ne Cebo ukwikatana pamo, nokuba cimo. Abashila abafwa pamo nabashila abali nomweo ukwikatana capamo ukuba umo; kabili nabonse ukuya capamo nokwikatana capamo na Kristu kwishilya, ku Mutebeto wa Bwinga bwa mwana wa Mpaanga.

¹²⁴ Yena ninshita yakwikatana pamo, kabili nefyakumwenako filepupuka konse konse. Ifyakumwenako fili mufyalo, ifyakumwenako fili namukubombela pamo, ifyakumwenako fili Mufyalo fyaku Mboshi, ifyakumwenako fili mu Cisaka ca ma Chalichi. Kabili Icakumwenako cili pano munshita yabushiku pesamba lye ofeshi lya Mupashi wa Mushilo, kabili i Cebo cakwa Lesa cileshininkisha ico nokucilenga ukuba Icine. Amenii! Inshita yakwikatana! Icakumwenako ca nshita ya Kwikatana!

Katukontamike imitwe yesu.

¹²⁵ Shikulu Yesu, nga fintu umutima wandi uulanda watoloka kunsansa, ilyo Namona ifingacitwa kuli ine, umuntu wamyakayabukalamba, lelo libe, ifingacitwa kuli ine uku Mimona mwaisa muli ino nkulo; ukuba uwamweo nokwiminina pano, nokumona lintu lilya Ipenga lyalila ukutila, “Uyo uwafiko, wafiko ifyo fine. Uyo uwaba umulungami, mulungami ifyo fine. Uyo uwaba uwamushilo, wamushilo ifyo fine.” O Shikulu Lesa!

¹²⁶ Kabili ukutontonkanya ifwe ukwiminina, mukashita akanono, mukukapakapa kwa linso, lintu isonde talyakeshibe icilecitika, lelo mukupumikishafye, mukamonekela kuli imwe,

abatemwikwa abo baya, bakesa mukwikatana naimwe nakabili. Kabili tukapilibulwa pakashita akanono, mukukapakapa kwalinso; nokulwilwa, capamo, ukuyakumanaya Shikulu wesu mu muulu. Kabili nomba kwikatana Nankwe, ukuba kulya umuyayaya, kabili takwakabe ukufumamo Mukubapo Kwakwe nakabili.

127 We cintu we icikalmaba cena ileelo, Shikulu, ukwishiba ukutila nomba ifwe natwikatana pamo no Mupashi umo. U Mupashi umo, Mupashi wa Mushilo, nakwata i Cebo mumunwe Yakwe, aisa muli ifwe. We nsambu we ishakufumako kuli fyonse ifya mwisonde, ukwikatana palwesu kuli Yesu Kristu. Kabili nokutontokanya ukuti ubushiku bumo, mumimonekele ya mubili, kabili nomubili uwaba ngo Wakwe Wine umubili wabukata, tukekala pe tebulo pakusefya Umutebeto wa Bwinga kabili kulya ukwikatana kabili nokupana mucupo kuli Ena; nokwikala nga Nabwinga na Shibwinga ukupita munshita shonse isho ishili nokwisa, ukupita mu Muyayaya uyo ushipwa.

128 Shikulu Lesa, lekeni ici ciba litontokanyo lyakutunganyafye ku bantu, lelo lekeni cena ukuba icintu icituntulu mpaka insala necilaka fingejala mubantu ukuti ba . . . ukubelenga amapepala yabo, ukulolesha pali . . . ukumfwa kufilimba namalyashi, kabili ukumona ukutila ninshita yakwikatana. Ifyakumwenako filebyasha.

129 Shikulu Lesa, nga fintu twalandile pabanakashi, pafyo balecita muli shino nshiku; ifyo ichalichi cili nokucita muli shino nshiku ishakulekelesha; kabili nefyo Inkulo sha Chalichi shikaba, kabili ifyo Ifikakatikilo fikaba, fyonse ifi fintu fimbi. Kabili tulemona nga fintu cena caali, munshiku shakwa Noah. Tulemona nga fintu caali munshiku sha ku Sodomu na Loti, lintu Malaika wakwa Lesa ailengele Umwine eka ukwishibikwa mumubili, nokulya umunofu wang'ombe kabili ukunwa umukaka wa ng'ombe, nokulya umukate; nokwiminina palya kabili nokulanda ifyalecitika kunuma Yakwe. Kabili na Yesu alandile ukuti icintu cimo cine cikacitika pakwisa kwa Mwana wa muntu.

130 Shikulu Lesa, twalimona pyramidi, ifyo twaikuula pamulu palya, kabili twalimona ifyo twalundako ifi fintu kuli yena; kabili twasnga ukuti tuli munshita-yakulekelesha, ukulolela pe Libwe Iikalamba. Ubukata kuli Lesa! Twapepa, Taata, ukuti Muli nokubusha abantu, bwangu bwangu nomba, nokutukolonganya capamo, necitemwiko cabulesa nomucinshi kuli Yesu Kristu nakuli umo nomunankwe.

131 Nga cakuti kuti kwaba bamo pano muli ino nshita yabushiku abashakwata isubilo ilitushisha muli imwe, imyeniko amaboko yenu kuli Lesa nokutila, "Shikulu Lesa, Munjikatanye, njikatanyeni na Imwe"? Lesa akupale, munyina. Lesa akupale, naiwe, iwe; ee. "Njikatanyeni na Imwe, Shikulu." Ee! Oh, owe!

Ifyalo fileonaika, Israeli alebuuka,

¹³² Lolesheni kuli Israeli kulya, yalikatana pamo. Israeli, ukufuma mwisonde lyonse, alisa nokwikatana pamo palwakwe; ukwikatana pamo palwabo kabili nomba bena icalo. Bena calo caikatana: no luunga lwabo, ulupiya lwabo, ababulwi babo, ifintu fyonse; nga balifikwata, bena bali nomba. Israeli uwaikatana, Rome alikatana, ichalichi calikatana. Kabili Nabwinga aleikatana, ameni; kabili ukwisa kwa Kwikatana Ukukalamba. Cinshi ico? Conse cileselela kuli cilya Icakumwenako, cilya Icakumwenako icikalamba, Yesu na Nabwinga Wakwe baleikatana nga umo.

¹³³ Taata Lesa, fikilisheni aya mapalo ayo Naipusha pali aba bantu, kabili lekeni tube abaiikatana kuli Imwe mumutima namumupashi, lintu baleimya amaboko yabo, ukukabila ico. Shikulu Lesa, tuwamyeni kabili nokutupanga Abenu; cifikilisheni, Shikulu. Ifyofye efyofye twaishiba nokucita, kwipusha. Kabili Mwalandile ukuti nga twaipusha ico nokucetekela ico, ifwe tuli noupokelela cena; Ndelolesha kuli ici, Shikulu. Na Mitotela mwi Shina lyakwa Yesu Kristu. Ameni.

Nali Mutemwa, Nali Mutemwa,
Pantu Abalilepo ukuntemwa,
No kushite pusukilo lyandi
Pa cimuti capa Kalbale. (Ameni. Oh, owe!)

Moneni, Shibwinga aleisa!
Naumfwa ukulila kwapakati kabushiku!
Ifwe twalaya necakubilikisha, nga bonse
twaikatilila ico,
Kabili noku Mukumanya mumuulu.

Loleni nokupepa, munyinane,
Epali umuntu umo asenda icilongwe cobe,
Pantu uwacifule fule nowabwelela kunuma
Tabakafwale umwingila wacupo.

¹³⁴ Ico nacilungama. Lekeni tuipekanye pakubilikisha kwapakati kabushiku. Cena cileisa panshita iyo imwe twamuletontonkanyapo. Kukaba ukubilikisha, tekucalo cabashacetekela; cikaba cankama. Lelo abacetekela, abalelolesha kuli ici: Mulemona intanda shileisa mumulonago? Mwamona? Cinshi ico caletele? Bwino bwinofye nga filya cena cacitile munshita yakubalilapo. Mwamona, pano apa tuli, ifyakumwenako fileisa.

Tulemona ifyakumwenako filemoneka ifya
Kwisa kwakupalwa Kwakwe,
Lo, moneni amabula ya mukunyu nomba yali
ayakatapa katapa;
Imbila nsuma iya Bufumu naisa kucalo conse;
Kabili natupalama, impela ilemoneka.

Nomba insansa, ukutali, tuli nokumfwa i
Mbila ya kwisa Kwakwe ukwapalwa,

¹³⁵ Bushe ico nacilungam? Oh, ukumfwa i Mbila ya kumonekela Kwakwe ukwapalwa! Ico eco ifwe tufwile tacita. Ebeni bonse ukutila, “Ipekanye, ipekanye ukukumanya Lesa.” Ameni! Nali Mutemwa. Oh, ifyo Na Mutemwa. Nomba natwiminineko pamakasa yesu nomba. Ilyo tuleposhanya umo nomunankwe, nokutila:

Mpaka tukakumane! (Poshanyeni amaboko,
nomba.) . . . mpaka tukakumane!
Mpaka tukamonane pamakasa yakwa Yesu;
Mpaka tu . . .

Ibukisheni, limbi kuti wapokelela ubwite. Umusonkano wesu umbi uukakonkapo limbi kuti waba pamakasa Yakwe.

Oh, Lesa abe naimwe mpaka tukakumane
nakabili!

¹³⁶ Nomba, tontonkanyenifye, ilyo tatulakumana nakabili; ilyo tatulakumana pa bushiku bwa Mulungu ulucelo, nangu pali Citatu munshita yabushiku, kuti caba ukutila . . . icintu icatanshi ico mwaishiba, umuntu umo naluba. Uyu umo naluba, kabili nabaya. Oh, ukutontokanya pamlume obe ukuluba, nangu umukashi obe ukuluba, kabili—kabili umukashi wakwa Yohane ukuluba, kabili—kabili—kabili nakuno abaice nabaluba. Fyonse ukucitika (finshi fyacitike?) ninshi imwe namushala!

Oh, wekulila nokulosha ilyo abaluba baebwa
pacakubaponekela,
Balilile kumabwe nakumpili, (Kwati ni
Israeli, pakubwelelamo mumusumba, ukuya
kwitempele.)
Bapepele lelo amapepo yabo yalicelelwe.
(Balikene i Mbila.)

¹³⁷ Oh, munyina, wikacitapo ico. Fyonse fintu wacita, uleiminina uwabulamba kuli ico cintu! Ee, mukwai!

¹³⁸ Nomba, mpaka tukakumane, tukacita ici:

Bule Shina lyakwa Yesu,
Nge cishangu ukufuma kukusakamana;
Lintu ifyakweshwa fyakolongana
ukukushinguluka, (Cinshi ufwile ukucita?)
Landa lilya i Shina lyamushilo mwipepo.
Ishina, lisuma!
Lya panshi no Muulu;
Ishina, lisuma!
Lya panshi no Muulu.

¹³⁹ Leken i tukontamike imitwe yesu nomba, lintu tuleng’wintawila:

Pe Shina lyakwa Yesu natukontama,
Kuwa pa nkasa Shakwe,
Imfumu ya shanfumu mu Muulu . . . Mufwikeni
icilongwe,
Lintu ubulendo bwesu bwapwa. (Cikaba,
bushiku bumo.)

Oh Ishina, Ishina, Oh lisuma!

Mpaka tukakumane nakabili, Lesa abe naimwe.

Lya panshi no Muulu;
Ishina, Oh lisuma! Lisuma!
Lya panshi no Mulu.



INSHITA YAKWIKATANA PAMO NE CAKUMWENAKO BEM63-0818
(The Uniting Time And Sign)

Iyi Mbila na Munyina William Marrion Branham yaletelwe intendekelo mu Cingeleshi pa Mulungu icungulo bushiku, mu Akasaka ntabo ku Branham Tabernacle mu Jeffersonville, Indiana, U.S.A., yafumishiwa muli tape iyambulwa kabili nalilembwa ukwabulo ukulundamo mu Cingeleshi. Uku ukwilula kwa mu Cibemba kwa lembelwe no kupelwa na ba Voice Of God Recordings.

BEMBA

©2021 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Icishibisho ukufuma ku mwine kalemba

Insambu shonse tashisuminishiwe. Ili buku kuti lya lembwa pali pulinta yapa ng'anda ku kubomfya kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfya ku kulomba indalama ukwabula insambu shalebwa na ba Voice Of God Recordings®.

Nga mulefwaya ukwishibilapo nafimbi nangu ukufwaya na fimbi ifyabapo, twalomba tumeni kuli ba:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org